

四庫全書薈要

• 乾隆御覽本

史部

資治通鑑卷一百六十七 宋 司馬光 撰

胡三省 音註

陳紀一

一起強圉赤奮若盡屠維單閼凡三年 武帝既有功於梁自以為姓出於陳自吳興郡公

進封陳公及受命國遂號曰陳

高祖武皇帝

諱霸先字興國小字法生姓陳氏吳興長城下若里人

永定元年

是年十月受禪始改元永定自十月以前猶是梁太平二年

春正月辛丑

周公即天王位

諱覺字施羅尼字文泰第三子也宇文輔政慕倣周禮泰卒覺嗣遂封周公既

受命國
號曰周

柴燎告天朝百官于露門

露門即古之路門路
大也字文建國率倣

古制故外朝曰路門鄭玄曰外門曰臯門朝門曰應門
內有路門孔穎達曰爾雅門屏之間謂之寧郭曰人主

視朝所寧立處李巡曰正門外兩塾間曰寧謂天子受
朝於路門之外朝於門外而寧立以待諸侯之至故云

當寧而立也然門外有屏者即樹塞門是也爾雅云正
門謂之應門又云屏謂之樹李巡曰常當門自蔽名曰

樹郭云小牆當門中案李郭二注以推驗禮文諸侯內
屏在路門之內天子外屏在路門之外而近應門周制

天子三朝其一在路門內謂之燕朝太僕掌之故太僕
云王眡燕朝則正其位文王世子云公族朝于內朝親

之也此則王與宗人圖其嘉事及王退候大夫之朝也
其一是路門外之朝謂之治朝司士掌之故司士云正

朝儀之位此是每日視朝之位其王與諸侯賓射亦與
治朝同其三是臯門之內庫門之外謂之外朝朝士掌

之此是詢衆庶之朝也朝直遙翻

追尊王考文公為文王妣為文后大

赦封魏恭帝為宋公以木德承魏水行夏之時服色尚

黑

行夏之時用寅正也服色尚黑隨水行也夏戶雅翻

以李弼為太師趙貴為太

傅大冢宰獨孤信為太保太宗伯中山公護為大司馬

後周太祖初據關右官名未改魏號及域內粗定改定章程命尚書令盧辯遠師周制置三公三孤以為論道之官次置六卿以分司庶務閔帝受禪大司馬掌兵宇文護居之以專兵要詔以王琳為

司空驃騎大將軍

驃匹妙翻騎奇寄翻

以尚書右僕射王通為左

僕射周王祀園丘自謂先世出於神農以神農配二

丘

宇文氏自謂其先出于炎帝炎帝為黃帝所滅子孫遁去朔野其後有葛烏免者雄武多算略鮮卑奉以

為主裔孫曰普回因狩得玉璽三紐文曰皇帝璽以為天授其俗謂天子曰宇文遂以為氏及國號二丘圜丘方丘始祖獻侯配南北郊

普回子莫那自陰山南徙始居遼西謚曰獻侯

文王

配明堂廟號太祖癸卯祀方丘甲辰祭太社

五代志後周憲章姬

周祭祀之式多依儀禮司量掌為壇之制圜丘三成崇一丈二尺深二丈上徑六丈十有二階每等十有二節在國陽七里之郊圓壇徑三百步內壇半之方一成下崇一丈徑六丈八尺上崇五尺方四丈八方方一階階十級級一尺方丘在國陰十里之郊丘一成八方下崇一丈方六丈八尺上崇五尺方四丈八方一階級一尺其壇八面徑百二十步內壇半之南郊為方壇於國南五里其崇一丈二尺其廣二丈其壇方百二十步內壇

車之神州之壇崇一丈方四丈在北郊方丘之右其壇如方丘其祭園丘及南郊並正月上辛左宗廟而右社稷皇帝親祀社稷冢

除市門稅

魏末盜賊虜起國用不足稅入市門者人一錢

今除

乙巳享太廟仍用鄭玄議立太祖與二昭二穆為

五廟其有德者別為祧廟不毀

記王制曰天子七廟三昭三穆與太祖之廟而

七鄭玄注云此周制七者太祖及文王武王之祧與親廟四決疑要注曰凡昭穆父南面故曰昭昭明也子北面故曰穆穆順也李涪曰昭本如字為漢諱昭改曰韶或曰晉文帝名昭故讀曰韶辛亥祀南郊

壬子立王后元氏后魏文帝之女晉安公主也 齊南

安城主馮顯請降於周

降戶江翻

周柱國宇文貴使豐州刺

史太原郭彥將兵迎之

五代志永安郡黃岡縣齊曰南安又魏收志天平初置南安郡

屬襄州後陷以地考之當在五代志之潁川郡葉縣界

又五代志淅陽郡武當縣舊置武當郡及始平郡後改

為齊興郡梁置興州後周改遂據南安吐谷渾為寇

為豐州隋為均州將即亮翻

於周攻涼鄯河三州

武威郡涼州西平郡鄯州枹罕郡河州吐從瞰入聲谷音浴鄯時戰

翻

秦州都督遣渭州刺史于翼赴援

魏黃初三年始置都督諸州軍事又

有都督中外諸軍其任尤重南北朝皆因之而軍行又

有都督諸軍左右前後中軍大都督內而宿衛有正副

都督散都督帥都督旅都督外而州郡有防城都督帳

內都督都督之名雖同其位任懸絕矣此秦州都督蓋

都督河渭涼鄯諸州也後周九命之制都督八命其授

柱國大將軍開府儀同者並皆使持節大都督蓋九命

也翼不從僚屬咸以為言翼曰攻取之術非外番所長

此兵之來不過抄掠邊牧掠而無獲勢將自走勞師而

往必無所及翼揣之已了

了明也抄楚交
翻揣初委翻

幸勿復言

復扶

又翻數日間至果如翼所策

初梁世祖以始興郡為東

衡州以歐陽顥為刺史久之徙顥為郢州刺史蕭勃留

顥不遣

顥魚
委翻

世祖以王琳代勃為廣州刺史勃遣其將

孫盭監廣州盭帥所部屯始興以避之

見一百六十五
卷梁元帝承聖

三年將即亮翻下同
監工衡翻帥讀曰率

顥別據一城不往謁閉門自守勃

怒遣兵襲之盡收其貨財馬仗尋赦之使復其所與之

結盟江陵陷頽遂事勃二月庚午勃起兵於廣州遣頽

及其將傅泰蕭孜為前軍孜勃之從子也

從才用翻
考異曰陳書

南史周文育傳皆作
子今從梁書帝紀

南江州刺史余孝頃以兵會之

孝頃

據新吳蓋就置南江州命為刺史
異曰典略作南康州刺史今從梁書

考

詔平西將軍周

文育帥諸軍討之

帥讀
曰率

癸酉周王朝日於東郊

朝直
送翻

下同戊寅祭大社

周楚公趙貴衛公獨孤信故皆與太

祖等夷

宇文泰廟
號太祖

及晉公護專政

宇文護自中山
公進封晉公

皆快

快不服

快於兩翻

貴謀殺護信止之開府儀同三司宇文盛

告之丁亥貴入朝護執而殺之免信官

此所謂主少國疑大臣未附之

時也既殺趙貴護之威權成矣

領軍將軍徐度出東關侵齊戊子至

合肥燒齊船三千艘

艘蘇遺翻

歐陽頎等出南康頎屯豫

章之苦竹灘傳秦據蹠口城

蹠之石翻周文育傳作坵

余孝頃遣其

弟孝勸守郡城自出豫章據石頭

水經注賴水逕豫章郡北水之西岸有石

盤謂之石頭津步之處也汪藻曰自豫章絕江而西有山屹然竝江而出者石頭渚也阻江負城十里而近即

殷羨投書處勸音邁

巴山太守熊曇朗誘頎共襲高州刺史黃濬

斃又語瀟斃約共破顧

蠻徒舍翻誘音酉語
牛倨翻斃巨俱翻

且曰事捷

與我馬仗遂出軍與顧俱進至瀟斃城下蠻朗陽敗走

瀟斃乘之顧失援而走蠻朗取其馬仗歸於巴山周文

育軍少船

少詩
沿翻

余孝頃有船在上牢文育遣軍主焦僧

度襲之盡取以歸仍於豫章立柵軍中食盡諸將欲退

文育不許使人間行遺周廸書

問古覓翻
適于季翻

約為兄弟廸

得書甚喜許饋以糧於是文育分遣老弱乘故船沿流

俱下燒豫章柵偽若遁去者孝頃望之大喜不復設備

文育由間道兼行據芊韶

復扶又翻間古覓翻據姚思廉梁書芊韶在巴山界芊音

^千芊韶上流則歐陽頎蕭孜下流則傅泰余孝頃營文

育據其中間築城饗士頎等大駭頎退入泥溪文育遣

嚴威將軍周鐵虎等襲頎癸巳擒之文育盛陳兵甲與

頎乘舟而宴巡蹠口城下使其將丁法洪攻泰擒之孜

孝頃退走 甲午周以于謹為太傅大宗伯侯莫陳崇

為太保晉公護為大冢宰

于謹侯莫陳崇既登公位宇文護若以序遷而為大冢宰

實則周之元輔也

柱國武川賀蘭祥為大司馬高陽公達奚武

為大司寇 周人殺魏恭帝 三月庚子周文育送歐

陽頴傳恭於建康丞相霸先與頴有舊釋而厚待之

霸先

發身于嶺南故與頴有舊

周晉公護以趙景公獨孤信名重不欲

顯誅之己酉逼令自殺 甲辰以司空王琳為湘郢二

州刺史 曲江侯勃在南康聞歐陽頴等敗軍中怵懼

怵許拱翻

甲寅德州刺史陳法武

五代志日南郡梁置德州

前衡州刺史

譚世遠攻勃殺之 夏四月己卯鑄四柱錢一當二十

梁末有兩柱錢及鵝眼錢時人雜用其價同但兩柱重鵝眼輕至是鑄四柱錢一當細錢二十

齊遣

使請和

使疏 吏翻

壬午周王謁成陵

周太祖陵 曰成陵

乙酉還宮

齊以太師斛律金為右丞相前大將軍可朱渾道元

為太傅

可朱渾道元前為車騎大將軍後齊置太師太傅太保是為三師擬古上公非勲德崇者不居

次有大司馬大將軍是為二大並典司武事次置太尉司徒司空是為三公皆第一品其驃騎車騎二將軍加大者在開國郡公下

開府儀同三司賀拔仁為太保尚

書令常山王演為司空錄尚書事長廣王湛為尚書令

右僕射楊愔為左僕射仍加開府儀同三司

愔於 今翻

并省

尚書右僕射崔暹為左僕射上黨王渙錄尚書事

自高 敬居

晉陽并州有行臺尚書令僕等官及齊顯祖受
魏禪遂以并州行臺為并省位任亞於鄴省

丁亥

周王享太廟 壬辰改四柱錢一當十丙申復閉細錢

開者閉絕不使行細錢民間私鑄者也時私錢細
小交易以車載錢不復計數復扶又翻下復亦同

故

曲江侯勃主帥蘭鼓襲殺譚世遠軍主夏侯明徹殺鼓

持勃首降

帥所類翻鼓五哀
翻降戶江翻下同

勃故記室李寶藏奉懷安

侯任據廣州

任亦蕭氏子封懷安侯何
承天志鬱林郡有懷安縣

蕭孜余孝頃猶

據石頭為兩城各據其一多設船艦夾水而陳

艦戶踏
翻下同

陳讀
曰陣

丞相霸先遣平南將軍侯安都助周文育擊之戊

戍安都潛師夜燒其船艦文育帥水軍安都帥步軍進

攻之

帥讀曰率

蕭孜出降孝頃逃歸新吳文育等引兵還丞

相霸先以歐陽頎聲著南土復以頎為衡州刺史

衡上前有

東字按五代志南海郡含涯縣梁置衡州始興縣梁置東衡州此時蓋命頎鎮含涯也

使討嶺南

未至其子紇已克始興頎至嶺南諸郡皆降遂克廣州

嶺南悉平

為歐陽頎父子世據嶺南張本

周儀同三司齊軌謂御正

中大夫薛善曰

五代志御正中大夫屬大冢宰五命

軍國之政當歸天子

何得猶在權門善以告晉公護護殺之以善為中外府

司馬

中外府都督中
外諸軍事府

五月戊辰余孝頃遣使詣丞相

府乞降

使疏
吏翻

王琳既不就徵大治舟艦將攻陳霸先

治直
之翻

六月戊寅霸先以開府儀同三司侯安都為西道

都督周文育為南道都督將舟師二萬會武昌以擊之

將即亮
翻下同

秋七月辛亥周王享太廟 河南北大蝗齊

主問魏郡丞崔叔瓚曰

五代志齊制上郎丞六品
中七品下八品瓚藏旱翻

何故

致蝗對曰五行志土功不時蝗蟲為災

五行志言螽蝗
之災率歸之勞

民動衆故
叔瓚云然

今外築長城內興三臺殆以此乎齊主怒使

左右殿之

殿鳥翻

擢其髮以溷沃其頭

擢拔也溷戶困翻不潔也

曳足

以出叔瓚季舒之兄也

八月丁卯周人歸梁世祖之

柩及諸將家屬千餘人於王琳

柩音舊

戊辰周王祭大

社 甲午進丞相霸先位太傅加黃鉞殊禮贊拜不名

九月辛丑進丞相為相國總百揆封陳公備九錫陳國

置百司

周孝愍帝性剛果惡晉公護之專權

惡鳥路翻

司

會李植自太祖時為相府司錄參掌朝政

周禮司會掌聽財用之會

計以詔王及冢宰後周之制司會中大夫屬大冢宰五命柱國大將軍府長史司馬司錄正七命會古外翻相

府司錄總錄相府之機務朝直廷翻

軍司馬孫恒亦久居權要

唐六典周禮大司馬

屬官有軍司馬下大夫蓋兵部郎中之任也後

及護執

政植恒恐不見容乃與宮伯乙弗鳳賀拔提等共譖之

於周王

周禮宮伯掌王宮之士庶子凡在版者掌其政令行其秩叙作其徒役之事以時頒其衣裳掌

其誅賞屬天官冢宰後植恒曰護自誅趙貴以來威權

周左宮伯中大夫五命

日盛謀臣宿將爭往附之

將即亮翻

大小之政皆決於護以

臣觀之將不守臣節願陛下早圖之王以為然鳳提曰

以先王之明猶委植恒以朝政

朝直廷翻

今以事付二人何

患不成且護常自比周公臣聞周公攝政七年

書曰惟周公誕

保文武受命惟七年

陛下安能七年邑邑如此乎

邑邑不得志之貌

王愈

信之數引武士於後園講習為執縛之勢

此事何必講習邪宜其謀

池也穀所角翻

植等又引宮伯張光洛同謀光洛以告護護乃

出植為梁州刺史恒為潼州刺史

五代志漢川郡置梁州金山郡西魏置潼

州隋開皇五年改曰綿州

欲散其謀後王思植等每欲召之護泣諫

曰天下至親無過兄弟若兄弟尚相疑它人誰可信者

太祖以陛下富於春秋屬臣後事

屬之欲翻

臣情兼家國

以家

則兄弟之親以國則君臣之義

實願竭其股肱若陛下親覽萬機威加

四海臣死之日猶生之年但恐除臣之後姦回得志非

唯不利陛下亦將傾覆社稷使臣無面目見太祖於九

泉且臣既為天子之兄位至宰相尚復何求

復扶又翻

願陛

下勿信讒臣之言疏棄骨肉王乃止不召而心猶疑之

鳳等益懼密謀滋甚刻日召羣公入醺

醺伊甸翻合飲也

因執

護誅之張光洛又以告護護乃召柱國賀蘭祥

周書祥傳曰其

先與魏俱起有統伏者為賀蘭莫何弗因以為氏

領軍尉遲綱等勸護廢立時

綱總領禁兵護遣綱入宮召鳳等議事及至以次執送

護第因罷散宿衛兵王方悟獨在內殿令宮人執兵自

守護遣賀蘭祥逼王遜位幽於舊第略陽公舊第也悉召公卿

會議廢王為略陽公迎立岐州刺史寧都公毓五代志西城郡

安康縣舊公卿皆曰此公之家事敢不唯命是聽乃斬

鳳等於門外宮門之外也孫恒亦伏誅時李植父柱國大將

軍遠鎮弘農西魏之境東盡渥洛以弘農為要地率用重將鎮之護召遠及植還

朝召植於梁州遠疑有變沈吟久之沈持乃曰大丈夫

寧為忠鬼安可作叛臣邪遂就徵既至長安護以遠功名素重猶欲全之引與相見謂之曰公兒遂有異謀非止屠戮護身乃是傾危宗社叛臣賊子理宜同疾公可早為之所乃以植付遠遠素愛植植又口辯自陳初無此謀遠謂植信然詰朝將植謁護

詰去吉翻將如字引也

護謂植

已死左右白植亦在門護大怒曰陽平公不信我

李遠封陽

平乃召入仍命遠同坐令略陽公與植相質於遠前

質證

也夫君臣無獄略陽公雖廢猶舊君也烏有與舊臣相質之理宇文護不學無術如此求良死得乎植辭

窮謂略陽曰

略陽之下
當有公字

本為此謀欲安社稷利至尊耳

今日至此何事云云遠聞之自投於牀曰若爾誠合萬
死於是護乃害植并逼遠令自殺植弟叔詣叔謙叔讓
亦死餘子以幼得免初遠弟開府儀同三司穆知植非
保家之主每勸遠除之遠不能用及遠臨刑泣謂穆曰
吾不用汝言以至此穆當從坐以前言獲免除名為民

及其子弟亦免官植弟浙州刺史基

五代志浙陽郡西
魏置浙州漢析縣

地也尚義歸公主

公主字文
秦之女也

當從坐穆請以二子代基命

護兩釋之後月餘護弒略陽公

六年十

黜王后元氏為尼

癸亥寧都公自岐州至長安甲子即天王位

諱毓小名統萬突安

定公秦之長子也秦臨夏州帝生於統萬因以名之

大赦

冬十月戊辰進陳公

爵為王辛未梁敬帝禪位於陳

梁天監元年受禪四主五十六年而亡

癸酉周魏武公李弼卒

陳王使中書舍人劉師知引

宣猛將軍沈恪勒兵入宮衛送梁主如別宮

陳受禪後國之政事

竝由中書省有中書舍人五人分掌二十一局各當尚書諸曹竝為上司總國內機要尚書唯聽受而已劉師知陳王所親任者也

宣猛將軍班第九

恪排闥見王叩頭謝曰恪身經事

蕭氏

侯景圍臺城恪為右軍將軍東土山主以拒戰功封東興縣侯

今日不忍見此分

受死耳

分扶問翻

決不奉命王嘉其意不復逼

復扶又翻

更以盪

主王僧志代之

盪主主驍銳跳盪之兵猶北齊之直盪都督也盪徒朗翻又吐浪翻

乙亥

王即皇帝位於南郊還宮大赦改元

始改元為永定

奉梁敬帝

為江陰王梁太后為太妃皇后為妃以給事黃門侍郎

蔡景歷為祕書監兼中書通事舍人是時政事皆由中

書省置二十一局各當尚書諸曹總國機要尚書唯聽

受而已

史言蔡景歷委寄之重

丙子上幸鍾山祠蔣帝廟庚辰

上出佛牙於杜姥宅

齊初僧統法獻于烏纏國得佛牙常在定林上寺梁天監末為攝山

慶雲寺沙門慧興保藏慧興將終以屬弟慧志承聖末慧志密送于帝至是乃出之設無遮大會

帝親出闕前膜拜

膜拜胡禮拜也膜莫湖翻

辛巳追尊皇考文讚

為景皇帝廟號太祖皇妣董氏曰安皇后追立前夫人

錢氏為昭皇后

帝先娶同郡錢仲方女早卒

世子克為孝懷太子立

夫人章氏為皇后章后烏程人也置刪定郎治律令

刪定郎自晉宋以來多置之治直之翻

乙酉周王祀園丘丙戌祀方丘

甲午祭太社戊子太祖神主祔太廟七廟始共用一

太牢

牛羊豕具為一太牢

始祖薦首餘皆骨體 侯安都至武昌

王琳將樊猛棄城走

將即亮翻下同

周文育自豫章會之安都

聞上受禪歎曰吾今茲必敗戰無名矣

始者以王琳不應梁召而討之

猶是挾天子以令諸侯今既受梁禪則安都之師為無名

時兩將俱行不相統攝部

下交爭稍不相平軍至郢州琳將潘純陀於城中遙射

官軍

射而亦翻

安都怒進軍圍之未克而王琳至弇口

弇口弇水

入江之口正對北岸大軍山

安都乃釋郢州悉衆詣沌口

沌杜亮翻

留沈

泰一軍守漢曲

漢曲漢水之曲

安都遇風不得進琳據東岸安

都據西岸相持數日乃合戰安都等大敗

考異曰典略云乙亥安

都敗陳書云是月敗績按高祖以乙亥受禪安都聞之而歎豈同日乎今從陳書

安都文育及

裨將徐敬成周鐵虎程靈洗皆為琳所擒

將即亮翻下同

沈泰

引軍奔歸琳引見諸將與語周鐵虎辭氣不屈琳殺鐵

虎而囚安都等總以一長鎖繫之置琳所坐榻下

鎖蘇果翻

榻音榻大船也

令所親宦者王子晉掌視之琳乃移湘州軍府

就郢城又遣其將樊猛襲據江州十一月丙申上立

兄子蒨為臨川王頊為始興王弟子曇朗已死而上未

知遙立為南康王

項時在長安亦遙立也舊倉句翻項吁玉翻曇徒含翻曇朗死見上卷上

年

庚子周王享太廟丁未祀園丘十二月庚午謁成

陵癸酉還宮

譙淹帥水軍七千老弱三萬自蜀江東

下

譙淹自墊江東下為周所逼也言蜀江以別湘江帥讀曰率下皆帥同

欲就王琳周使

開府儀同三司賀若敦叱羅暉等擊之

若人者翻叱羅虜複姓

斬

淹悉俘其衆

是歲詔給事黃門侍郎蕭乾招諭閩中

時熊曇朗在豫章周迪在臨川留異在東陽陳寶應在

晉安共相連結閩中豪帥往往立砦以自保

帥所類翻砦柴夫翻

依險立木壘石
以自保守曰砦
上患之使乾誦以禍福豪帥皆帥衆請

降

降戶江翻

即以乾為建安太守

按五代志閩州建安縣舊置建安郡南安縣舊曰晉

安建安之地唐為建州晉安之地唐為泉州

乾子範之子也

蕭子範齊豫章王嶷之子

初梁興州刺史席固以州降魏周太祖以固為豐州刺

史

五代志浙陽郡武當縣舊置武當郡及始平郡後改為齊興郡梁置興州後周改為豐州隋改為均州降

戶江翻

久之固猶習梁法不遵北方制度周人密欲代之

而難其人乃以司憲中大夫令狐整權鎮豐州

唐六典曰後周

秋官置司憲中大夫二人掌司寇之法以左右刑罰蓋比御史中丞之職也
委以代固之略

整廣布威恩傾身撫接數月之間化洽州府於是除整

豐州刺史以固為湖州刺史

五代志春陵郡湖陽縣後魏置淮安郡及南襄州後

改為南平州西魏改曰昇州後又改曰湖州

整遷豐州於武當旬日之間城

府周備遷者如歸固之去也其部曲多願留為整左右

整諭以朝制弗許

朝制謂周朝之法制朝直還翻

莫不流涕而去

齊

人於長城內築重城自庫洛枝東至鳴紇戍

北史作庫洛枝塢紇

戍重直龍翻

凡四百餘里

初齊有術士言亡高者黑衣故

高祖每出不欲見沙門顯祖在晉陽問左右何物最黑

對曰無過於漆帝以上黨王渙於兄弟第七使庫直都

督破六韓伯昇之鄴徵渙渙至紫陌橋殺伯昇而逃浮

河南度至濟州為人所執送鄴

黑者宇文弋衣也齊顯祖乃因此以殺其弟何

異秦以亡秦者胡而伐匈奴唐太宗以代唐者武氏而殺李君羨濟子禮翻

帝之為太原公

也與永安王浚皆見世宗

見賢遍翻

帝有時漢出

鼻液曰漢

浚責

帝左右曰何不為二兄拭鼻

顯祖於兄弟之次第二為于偽翻

帝深銜

之及即位浚為青州刺史聰明仁恕吏民悅之浚以帝

嗜酒私謂親近曰二兄因酒敗德

敗補邁翻

朝臣無敢諫者

朝直道

大敵未滅

大敵謂周也

吾甚以為憂欲乘驛至鄴面

諫不知用吾不

不讀曰否

或密以白帝帝益銜之浚入朝從

幸東山帝裸程為樂

裸程露體也裸郎果翻程馳成翻樂音洛

浚進諫曰此

非人主所宜帝不悅浚又於屏處召楊惲

屏必郢翻屏處隱蔽之處

譏其不諫帝時不欲大臣與諸王交通惲懼奏之帝大

怒曰小人由來難忍

由來猶今人言從來

遂罷酒還宮浚尋還州

又上書切諫詔徵浚浚懼禍謝疾不至帝遣馳驛收浚

老幼泣送者數千人至鄴與上黨王渙皆盛以鐵籠

盛時

征翻寘於北城地牢飲食搜穢共在一所搜所 鳩翻

二年春正月王琳引兵下至湓城屯於白水浦帶甲十萬琳

以北江州刺史魯悉達為鎮北將軍上亦以悉達為征西

將軍各送鼓吹女樂

吹尺 瑞翻

悉達兩受之遷延顧望皆不

就上遣安西將軍沈泰襲之不克琳欲引軍東下而悉

達制其中流琳遣使說誘終不從

使疏吏翻說式芮翻 下林說同誘音酉

己亥琳遣記室宗競求援於齊

競迄 逆翻

且請納梁永嘉王

莊以主梁祀

莊質齊見上卷梁 敬帝紹泰元年

衡州刺史周迪欲自據

南川

自南康至豫章之地謂之南川以南江所經言之也

乃總召所部八郡守宰

結盟齊言入赴

廸所部八郡南康宜春安成廬陵臨川巴山豫章豫寧也姚思康陳書作聲言

入赴守式又翻

上恐其為變厚慰撫之新吳洞主余孝頃遣沙

門道林說琳曰周廸黃法氈皆依附金陵陰窺間隙

氈巨

俱翻間古覓翻

大軍若下必為後患不如先定南川然後東下

孝頃請席卷所部以從下吏

卷讀日捲

琳乃遣輕車將軍樊

猛平南將軍李孝欽平東將軍劉廣德將兵八千赴之

使孝頃總督三將屯於臨川故郡

臨川故郡周敷所屯也琳遣兵攻廸并以

有徵兵糧於廸以觀其所為 以開府儀同三司侯瑱

為司空衡州刺史歐陽頠為都督交廣等十九州諸軍

事廣州刺史

瑱他旬翻又音鎮頠魚委翻

周以晉公護為太師

辛丑上祀南郊大赦乙巳祀北郊 辛亥周王耕籍田

癸丑周立王后獨孤氏

后獨孤信之女

戊午上祀明堂

二月壬申南豫州刺史沈泰奔齊

泰進不能救侯安都之覆敗退不能制魯

悉達之倔彊蓋懼罪而北奔也

考

齊北豫州刺史

異曰北齊帝紀在八月今從陳帝紀

司馬消難以齊主昏虐滋甚陰為自全之計曲意撫循

所部消難尚高祖女

難乃旦翻齊主尊其父歡廟號高祖

情好不睦公主

訴之

好呼到翻

上黨王渙之亡也鄴中大擾疑其赴成臯

齊北

豫州治虎牢成臯之地也

消難從弟子瑞為尚書左丞

從才用翻

與御史

中丞畢義雲有隙義雲遣御史張子階詣北豫州采風

聞先禁消難典籤家客等消難懼密令所親中兵參軍

裴藻託以私假

假居訝翻休假也

間行入關請降於周

間古覓翻下間

道同降戶江翻

三月甲午周遣柱國達奚武大將軍楊忠帥騎

士五千迎消難

帥讀曰率騎寄翻下同

從間道馳入齊境五百里

前後三遣使報消難皆不報

使疏史翻

去虎牢三十里武疑

有變欲還忠曰有進死無退生獨以千騎夜趣城下

七趣

喻城四面峭絕

峭七笑翻

但聞擊柝聲武親來麾數百騎西

去忠勒餘騎不動俟門開而入馳遣召武齊鎮城伏敬

遠勒甲士二千人據東城

鎮城即防城大都督之任東城虎牢城之東偏也北史作

東舉烽嚴警武憚之不欲保城乃多取財物以消難及

其屬先歸忠以三千騎為殿

殿丁練翻

至洛南皆解鞍而卧

齊衆來追至洛北忠謂將士曰但飽食今在死地賊必

不敢渡水已而果然乃徐引還武歎曰達奚武自謂天

下健兒今日服矣周以消難為小司徒

唐六典曰周之地官小司徒中

大夫也後周依周官杜佑通典後周地官小司徒上大

夫六命

考異曰北齊帝紀四月消難叛今從周書典

略

丁酉齊主自晉陽還鄴

考異曰北齊帝紀天保七年八月帝如晉陽不言

其還八年四月帝在城東馬射校京師婦女悉赴觀是

在鄴也此月又言至自晉陽六月乙丑帝自晉陽北巡

則又復在晉陽必有

差至今不敢增損

齊發兵援送梁永嘉王莊於江

南冊拜王琳為梁丞相都督中外諸軍錄尚書事琳遣

兄子叔寶帥所部十州刺史子弟赴鄴琳奉莊即皇帝

位

考異曰北齊帝紀十一月丁巳琳遣使請立莊仍以江州內屬令莊居之十二月癸酉詔莊為梁主進

居九派今從陳書及典略然陳書典略皆云立莊於郢州按琳時在湓城蓋始居江州後遷郢州耳改元

天啓追謚建安公淵明日閔皇帝

淵明廢見上卷梁敬帝紹泰元年卒見太

平元

莊以琳為侍中大將軍中書監餘依齊朝之命

直朝

翻夏四月甲子上享太廟 乙丑上使人害梁敬帝

立梁武林侯諮之子季卿為江陰王 己巳周以太師

護為雍州牧

後周雍州牧九命雍於用翻

甲戌周王后獨孤氏殂

辛巳齊大赦

齊主以旱祈雨於西門豹祠不應毀

之并掘其冢

戰國時魏以西門豹為鄴令鑿十二渠以利民故祠冢皆在鄴

五月癸

巳余孝頃等屯二萬軍於工塘連八城以逼周廸

等有衆

字文意

廸懼請和并送兵糧樊猛等欲受盟而還

還從宣翻

乃暢

又如孝頃貪其利不許樹柵圍之由是猛等與孝頃不

協周以大司空侯莫陳崇為大宗伯癸丑齊廣陵

南城主張顯和長史張僧那各帥所部來降

帥讀曰率降戶江翻

辛丑齊以尚書令長廣王湛錄尚書事驃騎大將軍

平秦王歸彥為尚書左僕射

驃匹妙翻騎奇寄翻

甲辰以前左僕

射楊愔為尚書令

辛酉上幸大莊嚴寺捨身

前車覆矣後車

不知戒耳目習於事佛不知其非也

壬戌羣臣表請還宮

六月乙丑齊

主北巡以太子殷監國

監工銜翻

因立大都督府與尚書省

分理衆務仍開府置佐齊主特崇其選以趙郡王叡為

侍中攝大都督府長史

己巳詔司空侯瑱與領軍將

軍徐度帥舟師為前軍以討王琳

帥讀曰率

齊主至祁連

池

祁連池即汾陽之天池北人謂天為祁連

戊寅還晉陽

秋戊戌上幸石

頭送侯瑱等

秋七月戊戌也

高州刺史黃法甌吳興太守沈

恪寧州刺史周敷

時蓋即臨川故郡置寧州以敷為刺史

合兵救周廸敷

自臨川故郡斷江口

斷音短

分兵攻余孝頃別城樊猛等

不救而沒劉廣德乘流先下故獲全孝頃等皆棄舟引

兵步走廸追擊盡擒之送孝頃及李孝欽於建康歸樊

猛於王琳 甲辰上遣吏部尚書謝哲往諭王琳哲

肱之孫也

謝肱莊之子歷仕宋齊梁肱數尾翻

八月甲子周大赦 乙丑

齊主還鄴

辛未詔臨川王蒨西討

蒨倉甸翻

以舟師五萬

發建康上幸冶城寺送之

甲戌齊主如晉陽

王琳

在白水浦周文育侯安都徐敬成許王子晉以厚賂子

晉乃偽以小船依欄而釣

欄音榻

夜載之上岸入深草中

步投陳軍還建康自劾上引見竝宥之

上時掌翻劾戶槩翻又戶得翻

見賢戊寅復其本官

文育安都敗軍而不誅遽復其官何也二人當時名將誅之則無以

為用故也

謝哲返命王琳請還湘州詔追衆軍還癸未衆

軍至自大雷

九月甲申周封少師元羅為韓國公以

紹魏後

江陵之陷元羅還魏

丁未周王如同州冬十月辛酉還

長安

余孝頃之弟孝勣及子公颺猶據舊柵不下

新吳

舊稱也勳音
邁臨余章翻

庚午詔開府儀同三司周文育都督衆軍

出豫章討之 齊三臺成更名銅爵曰金鳳金虎曰聖

應冰井曰崇光

魏武築三臺於鄴城西北皆因城為之
基中曰銅爵臺高十丈石虎更增二丈

南曰金虎臺北曰冰井
臺皆高八丈更工衡翻

十一月甲午齊主至鄴大赦齊

主遊三臺戲以槩刺都督尉子輝應手而斃

槩色角翻
刺七亦翻

考異曰北史作子
耀今從北齊書典畧

常山王演以帝沈湎憂憤形於顏

色帝覺之曰但令汝在我何為不縱樂

沈持林翻
樂音洛

演唯

涕泣拜伏竟無所言帝亦大悲抵盃於地曰汝似嫌我

如自今敢進酒者斬之因取所御盃盡壞棄

壞音怪

未

幾沈酒益甚或於諸貴戚家角力批拉

幾居豈翻沈持林翻批自結翻

又偏迷翻手擊也拉盧合翻

不限貴賤唯演至則內外肅然演又密

撰事條將諫其友王晞以為不可

諸王官察有師有友

演不從因

問極言

問古莧翻

遂逢大怒演性頗嚴尚書郎中剖斷有失

斷丁亂翻

輒加捶楚令史姦慝即考竟

演為尚書令故然捶止樂翻

帝乃

立演于前以刀鐐擬脇

以刀鐐擬演脇示將集殺之

名被演罰者

被皮

義翻臨以白刃求演之短咸無所陳乃釋之晞所之弟也

王昕見下
昕許斤翻

帝疑演假辭於晞以諫欲殺之王私謂晞曰

王即演也通鑑因齊
史修治有未純者耳

王博士明日當作一條事為欲相

活

為于
偽翻

亦圖自全宜深體勿怪乃于衆中杖晞二十帝

尋發怒聞晞得杖以故不殺

以其得杖之故謂非
教演為之遂不殺

髡鞭

配甲坊居三年演又因諫爭大被毆撻

爭讀曰諍被皮
義翻毆烏口翻

考異曰北史孝昭紀云文宣賜帝魏時宮人醒而忘
之謂帝擅取遂令刀錄亂築因此致困今從北史王晞

傳

閉口不食太后日夜涕泣帝不知所為曰儻小兒死

奈我老母何於是數往問演疾謂曰努力彊食

數所角
翻彊其

兩翻下
強坐同

當以王晞還汝乃釋晞令詣演演抱晞曰吾氣

息惛然

惛丑按翻類
篇曰困劣也

恐不復相見

復扶
又翻

晞流涕曰天道

神明豈令殿下遂斃此舍

言天道福善禍淫不
應使演遂死于此

至尊親

為人兄尊為人主安可與計

言難與計
是非也

殿下不食太后

亦不食殿下縱不自惜獨不念太后乎言未卒演強坐

而飯

卒子恤翻
飯扶晚翻

晞由是免徒

配甲坊徒刑
也由此得免

還為王友及

演錄尚書事除官者皆詣演謝去必辭晞言於演曰受

爵天朝拜恩私第

晉羊祜之言
朝直遙翻

自古以為不可宜一切

約絕演從之久之演從容謂晞曰主上起居不恒卿宜

耳目所具吾豈可以前逢一怒遂爾結舌卿宜為諛諛

草

從于容翻恒戶登翻為于偽翻

吾當伺便極諫

伺相史翻

晞遂條十餘事

以呈因謂演曰今朝廷所恃者惟殿下乃欲學匹夫耿

介輕一朝之命狂藥令人不自覺

狂藥謂酒也

刀箭豈復識

親疎

復扶又翻

一旦禍出理外將奈殿下家業何奈皇太后

何演欬歔不自勝

欬音希又許氣翻歔音虛勝音升

曰乃至是乎明日

見晞曰吾長夜久思今遂息意即命火對晞焚之

焚諫草也

後復承間苦諫帝使力士反接

復扶又翻間古覓翻反接兩手向後也

拔

白刃注頸罵曰小子何知是誰教汝演曰天下噤口非

臣誰敢有言帝趣杖亂捶之數十

噤巨禁翻趣讀曰促

會醉臥得

解帝褻黷之遊徧于宗戚所往留連

盤樂忘返謂之留連

唯至常

山第多無適而去

適歡極也

尚書左僕射崔暹屢諫演謂暹

曰今太后不敢言吾兄弟杜口僕射獨能犯顏內外深

相感愧

常山齊之賢王文宣淫酗規正為多齊之史臣因其嗣祚亦多溢美觀者能于辭令之間詳其

溢美者則幾矣

太子殷自幼溫裕開朗禮士好學

好呼到翻

闕覽時

政甚有美名帝常嫌太子得漢家性質不似我欲廢之

鮮卑謂中國人為漢

帝登金鳳臺召太子使手刃囚太子惻然有

難色再三不斷其首帝大怒親以馬鞭撞之

斷丁管翻撞直江翻

太子由是氣悸語吃

悸其季翻吃居乞翻言蹇也

精神昏擾帝因酣

宴屢云太子性懦社稷事重終當傳位常山太子少傅

魏收謂楊愔曰太子國之根本不可動搖至尊三爵之

後每言傳位常山令臣下疑二若其實也當決行之此

言非所以為戲恐徒使國家不安愔以收言白帝帝乃

止帝既殘忍有司訊囚莫不嚴酷或燒犁耳使立其上

或燒車釭

釭姑紅翻車穀中鐵也

使以臂貫之既不勝苦皆至誣

伏

勝音升

唯三公郎中武強蘇瓊

三公郎自魏晉以來有之五代志後齊尚書列

曹三公郎中屬殿中尚書掌五時讀時令諸曹因帳斷罪故日建金雞等事劉昫曰武強漢武隧縣屬河間國晉改曰武彊屬安平國後魏屬廣宗郡又置武邑郡五代志曰齊廢郡為武彊縣至隋屬信都郡

歷職

中外所至皆以寬平為治

治直吏翻

時趙州及清河屢有人

告謀反者前後皆付瓊推檢事多申雪尚書崔昂謂瓊

曰若欲立功名當更思餘理數雪反逆

數所角翻

身命何輕

瓊正色曰所雪者冤枉耳不縱反逆也昂大慙帝怒臨

漳令稽睦

晉避愍帝諱改鄴為臨漳尋沒于石勒復曰鄴東魏天平初分鄴併內黃斤丘肥鄉置臨

漳縣舍人李文思以賜臣下為奴中書侍郎彭城鄭頤私

誘祠部尚書王昕曰自古無朝士為奴者昕曰箕子為

之奴

此論語孔子之言鄭頤誘王昕使言而陷之邦無道危行言孫聖人包周身之防也如此誘音酉朝

直遂翻

下同頤以白帝曰王元景比陛下于紂

王昕字元景以字行

帝

銜之頃之帝與朝臣酣飲昕稱疾不至帝遣騎執之

奇

寄見方搖膝吟咏遂斬于殿前投尸漳水齊主北築長

城南助蕭莊士馬死者以數十萬計重以修築臺殿

直重

用翻賜與無節府藏之積不足以供

藏祖浪翻

乃減百官之祿

撤軍人常廩併省州郡縣鎮戍之職以節費用焉 十

二月庚寅齊以可朱渾道元為太師尉粲為太尉冀州

刺史段韶為司空常山王演為大司馬長廣王湛為司

徒 壬午周大赦 齊主如北城因視永安簡平王浚

上黨剛肅王渙于地牢帝臨穴謳歌令浚等和之浚等

惶怖且悲不覺聲顫

和胡卧翻怖普布翻顫之膳翻

帝愴然為之下泣

為于偽翻
泣波也

將赦之長廣王湛素與浚不睦進曰猛虎安

可出穴帝默然浚等聞之呼湛小字曰步落稽皇天見

汝帝亦以浚與渙皆有雄略恐為後害乃自刺渙又使

壯士劉桃枝就籠亂刺

刺七亦翻

槩每下

槩色角翻

浚渙輒以手

拉折之號哭呼天

史言浚渙之多力折而設翻號戶高翻

于是薪火亂投

燒殺之填以土石後出之皮髮皆盡尸色如炭遠近為

之痛憤

為于偽翻

帝以儀同三司劉郁捷殺浚以浚妃陸氏

賜之馮文洛殺渙以渙妃李氏賜之

為李妃捷馮文洛張本

二人

皆帝家舊奴也陸氏尋以無寵于浚得免高涼太守

馮寶卒海隅擾亂寶妻沈氏懷集部落數州晏然其子

僕生九年是歲遣僕帥諸酋長入朝

沈息典翻帥讀曰率首慈秋翻長知

兩詔以僕為陽春太守

五代志高涼郡陽春縣梁置陽春郡

後梁主遣

其大將軍王操將兵略取王琳之長沙武陵南平等郡

琳兵東下故後梁得以乘虛取之操將即亮翻

三年春正月己酉周太師護上表歸政

上時字翻

周王始親

萬機軍旅之事護猶總之初改都督州軍事為總管

諸州

總管自
此始

王琳名桂州刺史淳于量

五代志始安郡梁
置桂州今為靜江

府量雖與琳合而潛通于陳二月辛酉以量為開府儀

同三司

壬午侯瑱引兵焚齊舟艦于合肥

艦戶
詰翻

丙

戌齊主于甘露寺禪居深觀

據齊紀甘露寺在遼陽此
部語所謂獼猴坐禪也

唯軍國大事乃以聞尚書左僕射崔暹卒齊主幸其第

哭之謂其妻李氏曰頗思暹乎對曰思之帝曰然則自

往省之

省悉
景翻

因手斬其妻擲首牆外

齊斛律光將騎

一萬

將即亮翻下
同騎奇寄翻

擊周開府儀同三司曹回公斬之柏

谷城主薛禹生弃城走遂取文侯鎮立戍置柵而還

從還

宣翻又

如字

三月戊戌齊以高德政為尚書右僕射

吐

谷渾寇周邊

吐從嗽入聲谷音浴

庚戌周遣大司馬賀蘭祥擊之

丙辰齊主至鄴

梁永嘉王莊至郢州遣使入貢于

齊

使疏吏翻

王琳遣其將雷文策襲後梁監利太守蔡大有

殺之

沈約曰監利縣疑是吳所立晉屬南郡宋屬巴陵郡後梁置監利郡今監利在江陵府東南百八十

里

齊主之為魏相也

相息亮翻

膠州刺史定陽文肅侯杜

弼為長史

五代志高密郡舊置膠州唐武德五年改曰密州五代志文城郡吉昌縣後魏曰定陽

帝將受禪弼諫止之

見一百六十三卷
簡文帝大寶元年

帝問治國當用

何人

治直
之翻

對曰鮮卑車馬客會須用中國人帝以為譏

已銜之高德政用事弼不為之下嘗于衆前面折德政

德政數言其短于帝弼恃舊不自疑

折之舌翻數所角
翻下同高德政讒

杜弼而不知楊愔之忌已杜弼恃舊而不疑德政之讒
已昏昏于利欲之場祇思害人而不知其身之受害者

多矣夏帝因飲酒積其愆失遣使就州斬之

使疏
吏翻

既而悔

之驛追不及

閏四月戊子周命有司更定新歷

更工
衡翻

丁酉遣鎮北將軍徐度將兵城南皖口

南皖口皖水
入江之口也

祝穆曰皖水自霍山縣流入經懷寧縣北二里又東南流三百四十里入大江吳地志皖口今舒州之山口鎮

將即亮翻

皖戶板翻

齊高德政與楊愔同為相愔常忌之

高德政事

齊主于初潛禪代之際又德政勸成之權利所集故為楊愔所忌

齊主酣飲德政數彊

諫

數所角翻

齊主不悅謂左右曰高德政恒以精神凌逼人

恒戶登翻

德政懼稱疾欲自退帝謂楊愔曰我大憂德政病

對曰陛下若用為冀州刺史病當自差

差叱猶言病瘳也

帝從之德政見除書即起帝大怒召德政謂曰聞爾病

我為爾針

醫家按穴用針可以愈疾故云然為于偽翻

親以小刀刺之血流

霑地又使曳下斬去其足

判七亦翻去羌呂翻

劉桃枝執刀不敢

下帝責桃枝曰爾頭即墮地桃枝乃斬其足之三指帝

怒不解囚德政于門下

囚于門下省

其夜以羶輿送還家明

旦德政妻出珍寶滿四牀欲以寄人帝奄至其宅見之

怒曰我御府猶無是物詰其所從得皆諸元賂之遂曳

出斬之妻出拜又斬之

高德政之禍猶宋之顏竣也詰去吉翻

并其子伯

堅以司州牧彭城王浹為司徒侍中高陽王浟為尚書

右僕射乙巳以浹兼太尉

浹夷周翻浹常職翻

齊主封子紹廉

為長安王 辛亥周以侯莫陳崇為大司徒達奚武為

大宗伯武陽公豆盧寧為大司寇

五代志隄為郡隄為縣後周曰武陽令孤

德榮曰寧之先本慕容氏前燕之枝庶也歸魏賜姓豆盧氏

柱國輔城公邕為大司

空

輔城郡名在汝州郟城縣

乙卯周詔有司無得糾赦前事唯廐

庫倉廩與海內所共若有侵盜雖經赦宥免其罪徵備

如法

備償也今人猶言填備

周賀蘭祥與吐谷渾戰破之拔其

洮陽洪和二城以其地為洮州

李延壽曰賀蘭之先與魏俱起有乞伏為賀蘭

莫何弗因以為氏劉昫唐志洮州臨潭縣本吐谷渾之洪和城後周攻得之置美相縣唐為臨潭縣洮州治焉

後移治洮陽城仍於舊洪和城置美相縣天寶中廢美相併入臨漳洮土刀翻

五月丙辰朔

日有食之齊太史奏今年當除舊布新齊主問於特

進彭城公元韶曰漢光武何故中興對曰為誅諸劉不

盡為於偽翻於是齊主悲殺諸元以厭之厭於協翻癸未誅始平

公元世哲等二十五家囚韶等十九家韶幽於地牢絕

食啗衣袖而死啗徒敢翻又徒濫翻周文育周迪黃法氈共討

余公颺公颺孝頃子也颺音揚豫章太守熊曇朗引兵會之衆且

萬人文育軍於金口自豫章西南入象牙江至金溪口公颺詐降謀執

文育文育覺之囚送建康

降戶江翻

文育進屯三陂王琳遣

其將曹慶帥二千人救余孝勳

將卽亮翻下同帥讀曰率下自帥達帥同

慶

分遣主帥常衆愛與文育相拒

帥所類翻

自帥其衆攻周迪

及安南將軍吳明徹迪等敗文育退據金口熊曇朗因

其失利謀殺文育以應衆愛監軍孫白象聞其謀勸文

育先之

監工銜翻尤悉薦翻

文育不從時周迪棄船走不知所在

乙酉文育得迪書自齎以示曇朗曇朗殺之於坐而併

其衆

坐徂卧翻

因據新淦城

新淦縣自漢至蕭齊屬豫章郡五代志屬廬陵郡唐屬吉州淦

音紺又
音甘

曇朗將兵萬人襲周敷敷擊破之曇朗單騎奔

巴山

騎奇寄翻

魯悉達部將梅天養等引齊軍入城

魯悉達據

新蔡城

悉達帥麾下數千人濟江自歸拜平南將軍北江

州刺史

五代志宣城郡南陵縣陳置北江州

六月戊子周以霖雨詔羣

臣上封事極諫左光祿大夫猗氏樂遜上言四事

猗氏縣漢

以來屬河東郡古郇瑕氏之地後以猗頓居之以鹽鹽致富遂改為猗氏上時掌翻

其一以為比

來守令代期既促

比昆至翻守式又翻

責其成效專務威猛今關

東之民淪陷塗炭若不布政優優

詩商頌之辭毛長曰優優和也

聞諸

境外

聞音問

何以使彼勞民歸就樂土

樂音洛

其二以為頃

者魏都洛陽一時殷盛貴勢之家競為侈靡終使禍亂

交興天下喪敗

喪息浪翻

比來朝貴器服稍華

朝直這翻

百工造

作務盡奇巧臣誠恐物遂好移有損政俗

好呼到翻

其三以

為選曹補擬宜與衆共之今州郡選置猶集鄉閭況天

下銓衡不取物望既非機事何足可密

以此觀之選曹補擬皆密奏於

上蓋自晉山濤啟事始也

其選置之日宜令衆心明白然後呈奏其

四以為高洋據有山東未易猝制譬猶碁劫相持爭行

先後

奕碁有劫彼此爭行以相持以先後着決一枰之勝負易以鼓翻

若一行不當

丁當

浪翻或成彼利誠應捨小營大先保封域不宜貪利邊陲

輕為舉動 周處士韋賈

處昌呂翻 賈休正翻

孝寬之兄也志尚

夷簡魏周之際十徵不屈周太祖甚重之不奪其志世

宗禮敬尤厚號曰逍遙公晉公護延之至第訪以政事

護盛脩第舍賈仰視堂歎曰酣酒嗜音峻宇彫牆有一

於此未或不亡

夏書五子之歌之辭

護不悅驃騎大將軍開府儀

同三司寇儁

寇儁所居官後周之九命也

讚之孫也

寇讚自秦歸魏見一百一十八

卷晉安帝義

熙十四年

少有學行家人常賣物多得絹五匹僞於

後知之曰得財失行

少詩照翻
行下孟翻

吾所不取訪主還之數

睦宗族與同豐約教訓子孫必先禮義

先卷
薦翻

自大統中

稱老疾不朝謁

朝直送
翻下同

世宗虛心欲見之僞不得已入

見

入見賢
遍翻

王引之同席而坐問以魏朝舊事載以御輿

令於王前乘之以出顧謂左右曰如此之事唯積善者

可以致之

史言周
王禮賢

周文育之討余孝勣也帝令南豫

州刺史侯安都繼之文育死安都還遇王琳將周吳周

協南歸

王琳使周吳助曹慶攻周迪自南川歸也將即亮翻吳古迥翻

與戰擒之孝勳

弟孝猷帥所部四千家詣安都降

帥讀曰率降戶江翻

安都進軍

至左里擊曹慶常衆愛破之衆愛奔廬山庾寅廬山民

斬之傳首

詔臨川王蒨於南皖口置城

蒨倉甸翻

使東徐

州刺史吳興錢道戢守之

戢則立翻

丁酉上不豫丙午殂

年五十七

上臨戎制勝英謀獨運而為政務崇寬簡非軍旅

急務不輕調發性儉素常膳不過數品私宴用瓦器蚌

盤

調徒鈞翻蚌盤者髹器以蚌為飾今謂之螺鈿蚌步項翻

殺核充事而已後宮無

金翠之飾不設女樂時皇子昌在長安

梁元帝承聖元年徵昌為領直

江陵之陷沒於長安

內無嫡嗣外有彊敵宿將皆將兵在外朝無

重臣

將即亮翻朝直遥翻下同

唯中領軍杜稜典宿衛兵在建康章

皇后名稜及中書侍郎蔡景歷入禁中定議祕不發喪

急召臨川王禧於南皖景歷親與宦者宮人密營斂具

斂力磨翻

時天暑須治梓宮

治直之翻

恐斧斤之聲聞於外乃以

蠟為祕器

蠟蜜滓也漢官有東園祕器問音問

文書詔敕依舊宣行俟安

都軍還適至南皖與臨川王俱還朝甲寅王至建康入

居中書省安都與羣臣定議奉王嗣位王謙讓不敢當

皇后以昌故未肯下令羣臣猶豫不能決安都曰今四

方未定何暇及遠臨川王有大功於天下

武帝既殺王僧辯使僧平

杜龕張彪等以定東土故云有大功

須共立之今日之事後應者斬即按

劍上殿白皇后出璽又手解舊髮推就喪次

上時掌翻璽斯氏翻

推吐雷翻為侯安都特定策之功以殺其身張本

遷殯大行於太極西階皇后

乃下令以舊纂承大統是日即皇帝位大赦秋七月丙

辰尊皇后為皇太后辛酉以侯瑱為太尉侯安都為司

空齊顯祖將如晉陽乃盡誅諸元或祖父為王或身

嘗貴顯皆斬於東市其嬰兒投於空中承之以稍

稍所角翻

與梁同

前後死者凡七百二十一人悉棄尸漳水剖魚者

往往得人爪甲鄴下為之久不食魚

偽為於翻

使元黃頭與

諸囚自金鳳臺各乘紙鴟以飛黃頭獨能至紫陌乃墮

仍付御史中丞畢義雲餓殺之

齊主每令死因以席為翅從臺上飛下免其罪

幾今欲夷諸元黃頭雖免殊死猶餓殺之

唯開府儀同三司元蠻祠部郎中

元文遥等數家獲免

曹魏置祠部郎五代志齊尚書曹祠部郎掌祠祀醫藥贈賜等事

蠻繼之子常山王演之妃父

江陽王繼元父之
父後徙封安定王

文遙遵

之五世孫也

常山公遵佐道武帝定中原

定襄令元景安

此後漢新
興郡之定

襄也在隋
秀容縣界

虔之玄孫也

陳留王虔亦佐道武帝
與燕王垂戰敗而死

欲請改

姓高氏其從兄景皓曰

從才
用翻

安有棄其本宗而從人之

姓者乎丈夫寧可玉碎何能瓦全景安以其言白帝帝

收景皓誅之賜景安姓高氏八月甲申葬武皇帝於

萬安陵廟號高祖戊戌齊封皇子紹義為廣陽王以

尚書右僕射河間王孝琬為左僕射都官尚書崔昂為

右僕射 周御正中大夫崔猷建議以為聖人沿革因
時制宜今天子稱王不足以威天下請遵秦漢舊制稱
皇帝建年號乙亥周王始稱皇帝追尊文王曰文皇帝
改元武成 癸卯齊詔民間或有父祖冒姓元氏或假
托攜養者不問世數遠近悉聽改復本姓 初高祖追

謚兄道譚為始興昭烈王以其次子項襲封及世祖即

位項在長安未還

項與昌俱在長安

上以本宗乏饗

始興王道譚二子上

入纂皇緒而項留長安故本宗無主祭者世祖即上廟號

戊戌詔徙封項為安成王

皇子伯茂為始興王

以奉道
諱祀

初周太祖平蜀

見一百
六十五

卷梁元帝
承聖二年

以其形勝之地不欲使宿將居之

將即
亮翻

問諸

子誰可往者皆不對少子安成公憲請行

少詩
照翻

太祖以

其幼不許壬子周人以憲為益州總管時年十六善於

撫綏留心政術蜀人悅之九月乙卯以大將軍天水公

廣為梁州總管廣導之子也

宇文導周太
祖之兄子

辛酉立皇

子伯宗為太子己巳齊主如晉陽辛未周主封其

弟輔城公邕為魯公安成公憲為齊公純為陳公盛為

越公達為代公通為冀公通為滕公

通音由

乙亥立太

子毋吳興沈妃為皇后 周少保懷寧莊公蔡祐卒

五代

志蜀郡成都縣舊

齊顯祖嗜酒成疾不復能食

復扶又翻

制懷寧等四郡

自知不能久謂李后曰人生必有死何足致惜但憐正

道尚幼人將奪之耳

齊太子殷字正道

又謂常山王演曰奪則

任汝慎勿殺也尚書令開封王楊愔領軍大將軍平秦

王歸彥侍中廣漢燕子獻

五代志滎陽郡浚儀縣舊置開封郡扶風郡雍縣後魏置

平秦郡蜀郡舊縣舊曰廣漢

黃門侍郎鄭頤皆受遺詔輔政冬十月

甲午殂

年三十一

癸卯發喪羣臣號哭無下泣者

以其殘暴故哭而不

哀號戶刀翻

唯楊愔涕泗嗚咽太子殷即位

殷字正道小字道人文宣帝嫡

子也大赦庚戌尊皇太后為太皇太后皇后為皇太后詔

諸土木金鐵雜作一切停罷王琳聞高祖殂乃以少

府卿吳郡孫瑒為郢州刺史總畱任

瑒雄杏翻又音暢

奉梁永

嘉王莊出屯濡須口齊揚州道行臺慕容儼帥衆臨江

為之聲援

帥讀曰率

十一月乙卯琳寇大雷

五代志同安郡望江縣陳置大

雷詔侯瑱侯安都及儀同徐度將兵禦之

將即亮翻

安州刺

史吳明徹夜襲湓城

五代志寧越郡梁置安州隋開皇十八年改曰欽州

琳遣巴

陵太守任忠擊明徹大破之明徹僅以身免琳因引兵

東下齊以右丞相斛律金為左丞相常山王演為太

傅長廣王湛為太尉段韶為司徒平原王淹為司空高

陽王湜為尚書左僕射河間王孝琬為司州牧侍中燕

子獻為右僕射辛未齊顯祖之喪至鄴

自晉陽至鄴

十

二月戊戌齊徙上黨王紹仁為漁陽王廣陽王紹義為

范陽王長樂王紹廣為隴西王

樂音洛

[illegible]

資治通鑑卷一百六十七

欽定四庫全書

總校官庶吉士臣侍朝

校對官檢討臣龔大萬

謄錄監生臣張元輯

欽定四庫全書薈要

史部

資治通鑑卷一百六十八

臣董誥詳校

詳校官編修臣汪鏞



資治通鑑卷一百六十八 宋 司馬光 撰

胡三省 音註

陳紀二

起上章執徐盡玄
默教祥凡三年

世祖文皇帝上

諱蒨字子華高祖兄
始興王道譚之長子

天嘉元年春正月癸丑朔大赦改元 齊大赦改元乾

明 辛酉上祀南郊 齊高陽王浟以滑稽便辟有寵

於顯祖

浟常職翻史記索隱曰滑稽謂亂也稽同也以言
辯捷之人言非若是言是若非能亂同異也楚

辭將突梯滑稽如脂如韋崔浩云滑音骨稽流酒器也
轉注吐酒終日不已言出口成章詞不空竭若滑稽之
吐酒故揚雄酒賦云鴟夷滑稽腹如大壺盡日盛酒人
復藉沽是也又姚察云滑稽猶俳諧也滑讀如字稽音
計以其言語滑利智計捷出故云滑稽也尹焞曰便辟
足恭也朱元晦曰便辟謂習於威儀而不直便毘連翻
辟匹亦翻亦常在左右執杖以撻諸王太皇太后深銜之及顯

祖殂湜有罪太皇太后杖之百餘癸亥卒 辛未上祀

北郊 齊主自晉陽還至鄴 二月乙未高州刺史紀

機自軍所逃還宣城

軍所侯瑱軍前也

據郡應王琳湮令賀當

遷討平之王琳至柵口

柵口在濡須口之東水導巢湖今謂之柵江口宋白曰廬州東

南至樞口三百九十里今謂之新婦口

侯瑱督諸軍出屯蕪湖

瑱他句翻又音鎮

相持百餘日東關春水稍長

長知兩翻

舟艦得通琳引合肥

淩湖之衆舳舻相次而下

艦戶黯翻淩音巢又子小翻舳舻音逐盧

軍勢甚

盛瑱進軍虎檻洲琳亦出船列於江西隔洲而泊明日

合戰琳軍少却退保西岍

少詩沼翻

及夕東北風大起吹其

舟艦竝壞沒於沙中浪大不得還浦及旦風靜琳入浦

治船

治直翻

瑱等亦引軍退入蕪湖周人聞琳東下遣都

督荆襄等五十二州諸軍事荊州刺史史寧將兵數萬

乘虛襲郢州孫瑒嬰城自守

去年王琳東下留孫瑒守郢州將即亮翻瑒雉杏翻

又音暢琳聞之恐其衆潰乃帥舟師東下去蕪湖十里而

泊擊柝聞於陳軍

帥讀曰率柝他各翻聞音問

齊儀同三司劉伯球

將兵萬餘人助琳水戰行臺慕容恃德之子子會將鐵

騎二千屯蕪湖西岬為之聲勢

騎奇寄翻

丙申瑒令軍中晨

炊蓐食以待之時西南風急琳自謂得天助引兵直趣

建康

趣七俞翻

瑒等徐出蕪湖躡其後西南風翻為瑒用琳

擲火炬以燒陳船皆反燒其船

逆風而用火攻此王琳所以敗也

瑒發

拍以擊琳艦

戰船前後置拍竿以拍敵船

又以牛皮冒蒙衝小船以

觸其艦并鎔鐵灑之琳軍大敗軍士溺死者什二三

溺奴

狄翻餘皆棄船登岼為陳軍所殺殆盡齊步軍在西岸者

自相蹂踐竝陷於蘆荻泥淖中

踰人九翻踐惡演翻淖奴教翻渾泥也

騎

皆棄馬脫走得免者什二三擒劉伯球慕容子會斬獲

萬計盡收梁齊軍資器械琳乘舴艋冒陳走

舴艋音格翻舴音猛陳

陣讀曰至溫城欲收合離散衆無附者乃與妻妾左右十

餘人奔齊先是琳使侍中袁泌

先悉薦翻泌昆必翻又兵媚翻考異曰北齊

書作長史袁泌今從陳書御史中丞劉仲威侍衛永嘉王莊及敗左

右皆散泌以輕舟送莊達於齊境拜辭而還遂來降還從

宣翻又如字降仲威奉莊奔齊泌昂之子也袁昂著名節於齊梁

樊猛及其兄毅帥部曲來降自此江南皆為陳有矣帥讀曰率齊

葬文宣皇帝於武寧陵廟號高祖後改曰顯祖 戊戌

詔衣冠士族將帥戰兵陷在王琳黨中者皆赦之隨材

銓叙將即亮翻帥所類翻 己亥齊以常山王演為太師錄尚書

事此鄴省尚書也以長廣王湛為大司馬并省錄尚書事晉陽并州

故曰并省以尚書左僕射平秦王歸彥為司空趙郡王并必經翻

叡為尚書左僕射詔諸元良口配沒入官及賜人者竝

縱遣

去年齊顯祖夷諸元沒其家口今縱遣良口奴婢仍不縱也

乙巳以太尉侯

瑱都督湘巴等五州諸軍事鎮溫城齊顯祖之喪常

山王演居禁中護喪事婁太后欲立之而不果太子即

位乃就朝列

朝直廷翻

以天子諒陰詔演居東館

東館蓋在鄴宮昭陽

東欲奏之事皆先咨決楊愔等以演與長廣王湛位地

親逼恐不利於嗣主心忌之居頃之演出歸第

考異曰北齊

書孝昭紀云除太傅錄尚書朝政皆決於帝月
餘乃居藩邸今從楊愔傳 藩邸常山第也 自是詔

敕多不關預或謂演曰鷙鳥離巢必有探卵之患

離力智翻

探吐南翻

今日王何宜屢出中山太守陽休之詣演演不見

休之謂王友王晞曰昔周公朝讀百篇書夕見七十士

猶恐不足錄王何所嫌疑乃爾拒絕賓客

演以常山王錄尚書事故

稱為錄王

先是顯祖之世羣臣不自保

先悉薦翻

及濟南王立

濟于禮翻

演謂王晞曰一人垂拱吾曹亦保優閒因言朝廷

寬仁真守文良主晞曰先帝時東宮委一胡人傳之今

春秋尚富驟覽萬機殿下宜朝夕先後

先悉薦翻後戶遣翻

親承

音旨而使他姓出納詔命大權必有所歸殿下雖欲守

藩其可得邪借令得遂冲退自審家祚得保靈長乎

家祚

猶云國祚也演以叔父之親與國同休等戚故言家祚王晞勸常山傾大宗其來久矣

演默然久

之曰何以處我

處昌呂翻

晞曰周公抱成王攝政七年然後

復子明辟惟殿下慮之演曰我何敢自比周公晞曰殿

下今日地望欲不為周公得邪演不應顯祖常遣胡人

康虎兒保護太子故晞言及之齊主將發晉陽

發晉陽者嗣位

而詣鄴

時議謂常山王必當留守根本之地

高歡建大丞相府於晉陽

文宣席之以移魏鼎宿將勁兵咸在焉故以為根本之地

執政欲使常山王從帝之

鄴留長廣王鎮晉陽既而又疑之乃敕二王俱從至鄴

外朝聞之莫不駭愕

朝直遙翻

又敕以王晞為并州長史演

既行晞出郊送之演恐有覘察

覘丑康翻又丑艷翻

命晞還城執

晞手曰努力自慎躍馬而去平秦王歸彥總知禁衛楊

愔宣敕留從駕五千兵於西中

晉陽在鄴西故謂之西中從才用翻

陰備

非常至鄴數日歸彥乃知之由是怨愔領軍大將軍可

朱渾天和道元之子也

可朱渾道元自隴右歸高歡考異曰典畧云道元弟今從北

齊書

尚帝姑東平公主

齊主之姑則高歡之女也

每曰若不誅二王少

主無自安之理

少詩照翻

燕子獻謀處太皇太后於北宮

燕因

肩翻鄴城有北宮處昌呂翻

使歸政皇太后又自天保八年已來爵

賞多濫楊愔欲加澄汰

以水為諭也澄者去泥滓汰者去砂石

乃先自表

解開府及開封王諸叨竊恩榮者皆從黜免由是嬖寵

失職之徒盡歸心二叔

演湛皆齊主之叔

平秦王歸彥初與楊

燕同心既而中變盡以疎忌之迹告二王侍中宋欽道

弁之孫也

宋弁見任於魏孝文帝

顯祖使在東宮教太子以吏事

欽道面奏帝稱二叔威權既重宜速去之

去差呂翻

帝不許

曰可與令公共詳其事

楊愔時為尚書令故稱之為令公

愔等議出二

王為刺史以帝慈仁恐不可所奏乃通啓皇太后具述

安危宮人李昌儀

昌儀意亦內職而北史后妃傳無之蓋太后女官之名

高仲密

之妻也

高仲密因妻而外叛事見一百五十八卷梁武帝大同九年

李太后以其同

姓甚相昵愛

昵尼質翻

以啓示之昌儀密啓太皇太后

史言謀及

婦人

愔等又議不可令二王俱出乃奏以長廣王湛鎮

晉陽以常山王演錄尚書事二王既拜職乙巳於尚書

省大會百僚愔等將赴之散騎常侍兼中書侍郎鄭頤

止之

散悉宜翻
騎奇寄翻

曰事未可量不宜輕脫

量音良

愔曰吾等

至誠體國豈常山拜職有不赴之理長廣王湛旦伏家

僮數十人於錄尚書後室

錄尚書後室錄尚書者宴息之所

仍與席上

勳貴賀拔仁斛律金等數人相知約曰行酒至愔等我

各勸雙盃彼必致辭我一曰執酒二曰執酒三曰何不

執爾輩即執之及宴如之愔大言曰諸王反逆欲殺忠

良邪尊天子削諸侯赤心奉國何罪之有常山王演欲

緩之湛曰不可於是拳杖亂毆

毆鳥口翻

愔及天和欽道皆

頭面血流各十人持之燕子獻多力頭又少髮

少詩沼翻

狼

狽排衆走出門斛律光逐而擒之子獻歎曰丈夫為計

遲遂至於此使太子太保薛孤延等執頤於尚藥局

五代

志尚藥局總知御藥事
屬門下省後齊制也

頤曰不用智者言至此豈非命

也二王與平秦王歸彥賀拔仁斛律金擁愔等唐突入

雲龍門

唐突廣韻作億侯不遜也
今時謂千乘輿者為唐突

見都督叱利騷招之

不進使騎殺之

叱利唐複姓

開府儀同三司成休寧抽刃呵

演演使歸彥諭之休寧厲聲不從歸彥久為領軍素為

軍士所服皆弛仗休寧方歎息而罷演入至昭陽殿湛

及歸彥在朱華門外

後齊禁中有朱華閣門下省領左右局領左右二人掌知朱華閣內

諸事宣傳已下白衣齋子已上皆主之又有左右直長
四人朱華閣以外左右衛將軍各一人主之各武衛將
軍二人貳之御仗屬官直盪屬官直衛屬官
直突屬官直閣屬官皆屬焉分為左右廂

帝與太皇

太后竝出

太皇太后之下疑當更有皇太后三字

太皇太后坐殿上皇太

后及帝側立演以塼叩頭

塼朱綠翻範土為塼陶而成之

進言曰臣與

陛下骨肉至親楊遵彥等欲獨擅朝權

楊愔字遵彥朝直遥翻

威

福自己自王公已下皆重足屏氣

重直龍翻屏必郢翻

共相唇齒

以成亂階若不早圖必為宗社之害臣與湛為國事重

為於偽翻

賀拔仁斛律金惜獻武皇帝之業共執遵彥等入

宮未敢刑戮專輒之罪誠當萬死時庭中及兩廡衛士

二千餘人皆被甲待詔

被皮義翻

武衛娥永樂武力絕倫素

為顯祖所厚叩刀仰視

娥姓也後魏有娥清樂音洛叩刀者拔刀離鞘纔寸許

考異

曰北齊書作領軍劉桃枝今從北史

帝不睨之

睨研計翻邪視也

帝素吃訥

吃音訖訖

訥之由見上卷
武帝永定二年

倉猝不知所言太皇太后令却仗不退

又厲聲曰奴輩即今頭落乃退

衛士被甲者皆退當未退之時使宇文覺處之

常山長廣
身首分矣

永樂內刀而泣太皇太后因問楊郎何在賀

拔仁曰一眼已出太皇太后愴然曰楊郎何所能為留

使豈不佳邪

楊愔主壻故謂之楊郎留使畱之以任使愴初亮翻

乃讓帝曰此等

懷逆欲殺我二子

演湛皆太皇太后之子

次將及我爾何為縱之

帝猶不能言太皇太后怒且悲曰豈可使我母子受漢

老嫗斟酌

婁太后鮮卑也李太后華族也故云然嫗威遇翻

太后拜謝太皇太

后又為太后誓言演無異志但欲去逼而已

逼謂楊惲等以疏踰

成故欲去之為於偽翻下敢為同去先呂翻

演叩頭不止太后謂帝何不安

慰爾叔帝乃曰天子亦不敢為叔惜況此漢輩但勾兒

命兒自下殿去此屬任叔父處分

處昌呂翻分扶問翻

遂皆斬之

楊惲受託孤之寄不能尊主庇身者鮮卑之勢素盛華人不足以制之也

長廣王湛以鄭頤

昔嘗讒已

楊惲傳云湛以顯音讒已作詔書

先拔其舌截其手而殺之

演令平秦王歸彥引侍衛之士向華林園

鄴都華林園魏武之舊也

以京畿軍士入守門閤

高歡遷魏主於鄴而身居晉陽以其子為京畿大都督防遏內

外故有京畿軍士

斬娥永樂於園太皇太后臨愔喪哭曰楊郎

忠而獲罪

婁后此言出於人心是非之真也

以御金為之一眼

御金御府之金

也親內之曰以表我意演亦悔殺之於是下詔罪狀愔

等且曰罪止一身家屬不問頃之復簿錄五家

楊愔可朱渾天

和燕子獻宋欽道鄭顯凡五家復扶又翻

王晞固諫乃各沒一房孩幼盡死

兄弟皆除名以中書令趙彥深代楊愔總機務鴻臚少

卿陽休之私謂人曰將涉千里殺騏驎而策蹇驢可悲

之甚也

馬黑脊曰騏驎毛晃曰馬青驪色曰騏驎東方朔傳騏驎騾騾天下良馬也騏驎力珍

翻戊申演為大丞相都督中外諸軍錄尚書事

自後魏
敬宗以

爾朱榮為大丞相後高歡復
為之位絕羣后咸權震主

湛為太傅京畿大都督段

韶為大將軍平陽王淹為太尉平秦王歸彥為司徒彭

城王浹為尚書令

浹夷
周翻

江陵之陷也

見一百六十五
卷梁元帝承聖

三長城世子昌

武帝封長城
公昌為世子

及中書侍郎瑒皆沒於長

安高祖即位屢請之於周周人許而不遣高祖殂周人

乃遣昌還

高祖存而不遣高祖殂而遣
還欲以間陳使兄弟爭國也

以王琳之難居

於安陸

王琳據中流昌還建康路
梗故居安陸難乃旦翻

琳敗昌發安陸將濟

江致書於上辭甚不遜上不懌召侯安都從容謂曰

從千

容翻太子將至須別求一藩為歸老之地安都曰自古豈

有被代天子

被皮義翻

臣愚不敢奉詔因請自迎昌於是羣

臣上表請加昌爵命庚戌以昌為驃騎將軍湘州牧

驃匹

妙翻騎奇寄翻

封衡陽王

齊大丞相演如晉陽既至謂王晞

曰演從少帝還鄴晞為并州長史留晉陽

不用卿言幾至傾覆今君側雖

清終當何以處我

幾居休翻處昌呂翻下出處同

晞曰殿下往時位地

猶可以名教出處今日事勢遂闕天時非復人理所及

晞勸演纂史究
言之復扶又翻

演奏趙郡王叡為長史王晞為司馬三

月甲寅詔軍國之政皆申晉陽稟大丞相規算

詔演志也

周軍初至郢州助防張世貴舉外城以應之所失軍民
三千餘口周人起土山長梯晝夜攻之因風縱火燒其
內城南面五十餘樓孫瑒兵不滿千人身自撫循行酒
賦食士卒皆為之死戰周人不能克

史言千人一心雖
大敵不能克郢人

之死戰不下者畏江陵
之俘戮也為於偽翻

乃授瑒柱國郢州刺史封萬戶

郡公瑒偽許以緩之而潛脩戰守之備一朝而具乃復

拒守

復扶又翻

既而周人聞王琳敗陳兵將至乃解圍去場

集將佐謂之曰吾與王公同獎梁室勤亦至矣今時事

如此豈非天乎遂遣使奉表舉中流之地來降

將即亮翻使疏

吏翻降戶江翻

王琳之東下也帝徵南川兵江州刺史周迪高

州刺史黃法氈帥舟師將赴之熊曇朗據城列艦塞其

中路

熊曇朗時據豫章氈巨俱翻帥讀曰率曇徒含翻艦戶黠翻塞悉則翻

迪等與周敷

共圍之琳敗曇朗部衆離心迪攻拔其城虜男女萬餘口曇朗走入村中村民斬之丁巳傳首建康盡滅其族

齊軍先守魯山戊午棄城走詔南豫州刺史程靈洗守

之甲子置沅州武州

梁置武州於武陵帝分荊州之義陽天門郡郢州之武陵郡置

武州督沅州領武陵太守治武陵郡其都尉所部六縣為沅州別置通寧郡以刺史領太守治都尉城省舊都

尉沅音元

以右衛將軍吳明徹為武州刺史以孫瑒為湘州

刺史瑒懷不自安固請入朝

史言孫瑒能自全朝直遙謝

徵為中領

軍未拜除吳郡太守壬申齊封世宗之子孝珩為廣

寧王

珩音行

長恭為蘭陵王甲戌衡陽獻王昌入境詔

主書舍人緣道迎候

主書及中書舍人皆當時要近之職也

丙子濟江中

流殞之使以溺告

溺奴秋翻

侯安都以功進爵清遠公

以殺昌之

功也五代志南海郡

翁源縣陳置清遠郡初高祖遣榮陽毛喜從安成王頊

詣江陵梁世祖以喜為侍郎沒於長安與昌俱還因進

和親之策上乃使侍中周弘正通好於周

好呼到翻

夏四

月丁亥立皇子伯信為衡陽王奉獻王祀

昌謚曰獻

周世

宗明敏有識量晉公護憚之使膳部中大夫李安真毒

於糖餠而進之

周禮有膳夫唐六典紀前世官制沿革以後周之典庖中士為唐太官署令之

職者藏中士為珍羞署令之職掌醢中士為掌醢署令之職獨不言膳部中大夫以類推之則後周之膳部中

大夫唐光祿卿之職也杜佑通典後周膳部中大夫屬
冢宰六命又有膳部下大夫五命餽都回翻丸餅也江
陵未敗時梁將陸法和有道術先具大餽薄餅及江陵
陷梁人入魏果見餽餅蓋北食也今城市間元宵所賣
焦餽即其物但較小耳糖
出南方煎蔗為之絕甘 帝頗覺之庚子大漸口授遺

詔五百餘言且曰朕子年幼未堪當國魯公朕之介弟

杜預曰 寬仁大度海內共聞能引我周家必此子也 大引

也世宗之知武帝史所 謂明敏有識孰大於此 辛丑殂 年二 魯公幼有器質特

為世宗所親愛朝廷大事多與之參議性深沈有遠識

沈持 林翻 非因顧問終不輒言世宗每歎曰夫人不言言必

有中

引論語孔子之言
夫音扶中竹仲翻

壬寅魯公即皇帝位

諱彘字彌
羅突安定

公泰之弟
四子也

大赦

五月壬子齊以開府儀同三司劉洪

徽為尚書右僕射

侯安都父文捍為始興內史卒官

卒官卒於官
也卒子恆翻

上迎其母還建康母固求停鄉里乙卯為

置東衡州

梁先已置東衡州於始興蓋
中廢而今復置也為於偽翻

以安都從弟曉

為刺史

從才
用翻

安都子祕纔九歲上以為始興內史竝令

在鄉侍養

以安都能定策以安國
家故寵之養余亮翻

六月壬辰詔葬梁

元帝於江寧

梁敬帝太平二年周人歸元帝之
柩於王琳琳敗陳人乃得而葬之

車旗禮

章悉用梁典 齊人收永安上黨二王遺骨葬之

齊二王死

見上卷武帝永定二年

敕上黨王妃李氏還第馮文洛尚以故意

脩飾詣之妃盛列左右立文洛於階下數之曰遭難流

離

數所具翻難乃旦翻

以至大辱志操寡薄不能自盡

言不能自殺也

幸

蒙恩詔得反藩闈

藩闈言藩王之閨闈也

汝何物奴猶欲見侮杖

之一百血流灑地

秋七月丙辰封皇子伯山為鄱陽

王 齊丞相演以王晞儒緩恐不允武將之意

將即亮翻每

夜載入晝則不與語嘗進晞密室謂曰比王侯諸貴每

見敦迫

比昆
主翻

言我違天不祥恐當或有變起吾欲以法

繩之何如晞曰朝廷比者疎遠親戚殿下倉猝所行非

復人臣之事芒刺在背

用漢霍光事遠於
顧翻復扶又翻

上下相疑何

由可久殿下謙退糝糠神器實恐違上立之意

上立
天也

墜

先帝之基

先帝謂
高歡

演曰卿何敢發此言須致卿於法晞

曰天時人事皆無異謀是以敢冒犯斧鉞抑亦神明所

贊耳演曰拯難匡時

難乃
旦翻

方俟聖哲吾何敢私議幸勿

多言丞相從事中郎陸香將出使

使疏
吏翻

握晞手使之勸

進晞以杳言告演演曰若內外咸有此意趙彥深朝夕

左右何故初無一言

史言演非不欲
晏特覲衆心

晞乃以事隙密問

彥深

事隙公事之隙
少暇之時也

彥深曰我比亦驚此聲論

聲論謂
輿論皆

歸演聲滿朝野
也比毘至翻

每欲陳聞則口噤心悸

噤其禁翻
悸其季翻

弟既

發端吾亦當昧死一披肝膽因共勸演演遂言於太皇

太后趙道德曰相王不效周公輔成王

演為丞相故呼
之為相王演於

齊主居親親之地猶周公之於成王
而不能以周公自任故趙道德責之

而欲骨肉相奪不

畏後世謂之篡邪太皇太后曰道德之言是也未幾

幾

豈演又啓云天下人心未定恐奄忽變生須蚤定名位

太皇太后乃從之八月壬午太皇太后下令廢齊主為

濟南王出居別宮

禮翻

以常山王演入纂大統且戒之

曰勿令濟南有他也

為演殺濟南王太后怨張本

肅宗即皇帝位於

晉陽

諱演字延安勃海王歡弟六子文宣帝之母弟也

大赦改元皇建太皇太

后還稱皇太后皇太后稱文宣皇后宮曰昭信乙酉詔

紹封功臣禮賜耆老延訪直言褒賞死事追贈名德帝

謂王晞曰卿何為自同外客畧不可見自今假非局司

但有所懷隨宜作一牒

毛晃曰牒書板小簡也

候少隙即徑進也

少隙言少有間隙也少詩沼翻

因敕與尚書陽休之鴻臚卿崔劼等三

人

臚陵如翻訪丘八翻

每日職務罷竝入東廊共舉錄歷代禮樂

職官及田市徵稅或不便於時而相承施用或自古為

利而於今廢墜或道德高雋久在沈淪

沈持林翻下沈敏同

或巧

言眩俗妖邪害政者悉令詳思以漸條奏朝晡給御食

畢景聽還

景日景日入而後聽還私舍故云畢景聽還妖於騎翻晡奔謨翻

帝識度沈

敏少居臺閣明習吏事即位尤自勤勵大革顯祖之弊

時人服其明而譏其細

人君而親小事為細所謂元首叢脞也少詩照翻

嘗問

舍人裴澤在外議論得失澤率爾對曰陛下聰明至公

自可遠侔古昔而有識之士咸言傷細帝王之度頗為

未引帝笑曰誠如卿言朕初臨萬機慮不周悉故致爾

耳

顏之推曰如是為爾而已為耳

此事安可久行恐後又嫌疎漏澤由

是被寵遇庫狄顯安侍坐

被皮義翻坐祖卧翻

帝曰顯安我姑之

子

庫狄顯安父干娶勃海王歡之妹樂陵長公主

今序家人之禮除君臣之敬

可言我之不逮顯安曰陛下多妄言帝曰何故對曰陛

下昔見文宣以馬鞭撻人常以為非今自行之非妄言

邪帝握其手謝之又使直言對曰陛下太細天子乃更

似使帝曰朕甚知之然無法日久將整之以至無為耳

又問王晞晞曰顯安言是也顯安干之子也羣臣進言

帝皆從容受納從干容翻性至孝太后不豫帝行不能正履

容色貶悴悴秦醉翻衣不解帶殆將四旬太后疾小增即寢

伏閣外食飲藥物皆手親之太后嘗心痛不自堪帝立

侍帷前以爪掐掌代痛掐苦洽翻血流出袖友愛諸弟無君

臣之隔戊子以長廣王湛為右丞相平陽王淹為太傅

彭城王浹為大司馬

浹夷周翻

周軍司馬賀若敦

唐六典曰周官

大司馬屬官有軍司馬下大夫蓋兵部郎中之任也後周依周官其爵列中大夫也六命若人者翻

帥衆

一萬奄至武陵

帥讀曰率

武州刺史吳明徹不能拒引軍還

巴陵江陵之陷也巴湘之地皆入於周周使梁人守

之太尉侯瑱等將兵逼湘州賀若敦將步騎救之乘勝

深入

按賀若敦傳屢戰破瑱乘勝深入

軍於湘川九月乙卯周將獨孤

盛將水軍與敦俱進辛酉遣儀同三司徐度將兵會侯

瑱於巴丘

將即亮翻

會秋水汎溢盛敦糧援斷絕分軍抄掠

以供資費

抄楚交翻

敦恐瑱知其糧少乃於營內多為土聚

覆之以米

少詩沼翻覆數又翻此檀道濟量沙之故智也

召旁村人

營旁之村人也

陽

有訪問隨即遣之瑱聞之良以為實敦又增脩營壘造

廬舍為久留之計湘羅之間遂廢農業

梁置湘州於長沙置羅州於湘

陰縣瑱等無如之何先是土人亟乘輕船

先悉薦翻亟去吏翻數也

載

米粟雞鴨以餉瑱軍敦患之乃偽為土人裝船伏甲士

於中瑱軍人望見謂餉船之至逆來爭取敦甲士出而

擒之

唐裴行儉詐為糧車以破突厥亦用此策

又敦軍數有叛人乘馬投瑱

者敦乃別取一馬牽以趨船令船中逆以鞭鞭之如是

者再三馬畏船不上

數所角翻趨七喻翻上時掌翻

然後伏兵於江岾

使人乘畏船馬以招瑱軍詐云投附瑱遣兵迎接競來

牽馬馬既畏船不上伏兵發盡殺之此後實有饋餉及

亡降者瑱猶謂之詐竝拒擊之冬十月癸巳瑱襲破獨

孤盛於楊葉洲

據姚思廉陳書楊葉洲在西江口西江謂湘江也

盛收兵登岾

築城自保丁酉詔司空侯安都帥衆會瑱南討

帥讀曰率

十一月辛亥齊主立妃元氏為皇后世子百年為太子

百年時纔五歲齊主徵前開府長史盧叔虎為中庶子

太子中庶子職如侍中後齊門下坊之長也

叔虎柔之從叔也

從才用翻

帝問時

務於叔虎叔虎請伐周曰我彊彼弱我富彼貧其勢相

懸然干戈不息未能并吞者此失於不用彊富也

以當時東

西二國觀之齊若富彊而其根本實撥周若貧弱而輕其根本實牢若齊孝昭欲用其彊富周固有以待之

兵野戰勝負難必是胡騎之法非萬全之術也宜立重

鎮於平陽與彼蒲州相對

魏神龜元年置雍州於河東延和元年改曰秦州太和中

罷魏既分為東西東魏天平初復置秦州於河東沙苑
敗後河東之地入於西魏後周因蒲阪舊名而置蒲州

深溝高壘運糧積甲彼閉關不出則稍蠶食其河東之

地日使窮蹙若彼出兵非十萬以上不足為我敵所損

糧食

損當作資

咸出關中我軍士年別一代

一年一更戍也

穀食豐

饒彼來求戰我則不應彼若退去我乘其弊自長安以

西民疏城遠敵兵來往實自艱難與我相持農業且廢

不過三年彼自破矣帝深善之齊主自將擊庫莫奚

將即亮翻下同

至天池庫莫奚出長城北遁

此文宣帝所築長城也

齊主

分兵追擊獲牛羊七萬而還

還從宣翻又如字

十二月乙未

詔自今孟春訖於夏首大辟事已款者

已款謂囚已款服也今人謂獄

辭為獄款辟昆亦翻

宜且申停

及秋冬乃行刑也

己亥周巴陵城主尉

遲憲降

尉紆勿翻降戶江翻

遣巴州刺史侯安鼎守之庚子獨孤

盛將餘衆自楊葉洲潛遁

賀若敦之勢愈孤矣

丙午齊主還晉

陽齊主斬人於前問王晞曰是人應死不

不讀曰否齊主以文宣殺

人多非其罪自謂誅當其罪故以問晞

晞曰應死但恨死不得其地耳臣

聞刑人於市與衆棄之

記王制之言

殿庭非行戮之所帝改

容謝曰自今當為王公改之

偽為於翻

帝欲以晞為侍郎

北接

史王晞傳侍

郎當作侍中

苦辭不受或勸晞勿自疎晞曰我少年以

來閱要人多矣

少詩照翻要人謂位居勢要者

得志少時鮮不顛覆

少時

言不多時也少始紹翻鮮息翦翻

且吾性實疎緩不堪時務人主恩私

何由可保萬一披猖求退無地非不好作要官但思之

爛熟耳

好呼到翻

初齊顯祖之末穀糴踊貴濟南王即位

濟子禮翻

尚書左丞蘇珍之建議脩石龍等屯自是淮南軍

防足食

杜佑曰石龍在楚州安宜縣西八十里鄧艾築城於此作白水塘北接連洪澤屯田一萬三千

頃安宜唐寶應元年改為寶應縣

肅宗即位平州刺史嵇暉建議開督

亢陂置屯田歲收稻粟數十萬石北境周贍

督亢陂在唐涿州新

城縣界燕荆軻獻圖於秦即此地亢音剛

又於河內置懷義等屯以給河南

之費

齊分河內汲郡為義州置懷義等屯

由是稍止轉輸之勞

此是五代志序齊濟

南王至孝昭時軍餉通鑑取之附見於此

二年春正月戊申周改元保定以大象宰護為都督中

外諸軍事令五府總於天官事無巨細皆先斷後聞

五府

地官春官夏官秋官冬官府也史言宇文護之權愈重斷丁亂翻

庚戌大赦周主

祀園丘 辛亥齊主祀園丘壬子禘於太廟 周主祀

方丘甲寅祀感生帝於南郊

用鄭玄之說祀感生帝靈威仰於南郊以祈穀

乙

卯祭太社 齊主使王琳出合肥召募僞楚更圖進取

僞助合州刺史裴景徽

考異曰北齊書作景暉今從陳書

琳兄珉之壻

也請以私屬為鄉導

鄉讀日鄉

齊主使琳與行臺左丞盧潛

將兵赴之琳沈吟不決景徽恐事泄挺身奔齊

按梁置合州於

合肥侯景之亂已入於齊齊之境土南盡歷陽陳蓋偏置合州於江濱以景徽為刺史沈持林翻

齊主

以琳為驃騎大將軍開府儀同三司揚州刺史鎮壽陽

己巳周主享太廟班太祖所述六官之法

宇文泰廟號太祖泰

之相魏也建六官述周禮六典以為六官之法

辛未周湘州城主殷亮降

降戶

江翻下同湘州平侯瑱與賀若敦相持日久瑱不能制乃借

船送敦等度江

按賀若敦傳借船之上有求字

敦慮其詐不許報云湘

州我地為爾侵逼必須我歸可去我百里之外瑱留船

江岼引兵去之敦乃自拔北歸軍士病死者什五六武

陵天門南平義陽河東宜都郡悉平

五代志澧陽郡房陵縣舊置南平郡

安鄉縣舊置義陽郡南郡松滋縣舊置河東郡宋白曰澧陽郡安鄉縣本漢房陵縣地後漢為漢壽縣地晉曾

立義
陽郡 晉公護以敦失地無功除名為民 二月甲午周

主朝日於東郊

三代之禮春朝朝日秋暮夕月
周人慕古舉行其禮朝直遂翻

周人

以小司徒韋孝寬嘗立勳於玉壁

事見一百五十九卷
梁武帝中大同元年

後周之制小司徒
六命上大夫也

乃置勳州於玉壁以孝寬為刺史孝

寬有恩信善用間諜

間古
覓翻

或齊人受孝寬金貨遥通書

疏故齊之動靜周人皆先知之有主帥許盆以所戍城

降齊孝寬遣謀取之俄斬首而還

帥所類翻
諜徒協翻

離石以南

生胡數為抄掠

五代志離石郡後齊置西汾州生胡即
稽胡之不附屬周者數所角翻抄楚交

翻

而居於齊境不可誅討孝寬欲築城於險要以制之

乃發河西役徒十萬甲士百人

河西龍門河之西也

遣開府儀同

三司姚岳監築之岳以兵少懼不敢前

監工銜翻少詩沼翻

孝寬

曰計此城十日可畢城距晉州四百餘里吾一日創手

二日敵境始知設使晉州徵兵三日方集謀議之間自

稽二日計其軍行二日不到我之城隍足得辦矣乃令

築之齊人果至境上疑有大軍停留不進其夜孝寬使

汾水以南傍介山稷山諸村縱火

傍蒲浪翻唐志蒲州萬泉縣有介山介子

推隱虞稷山縣有稷山

齊人以為軍營收兵自固岳卒城而還

辛子

恒翻

三月乙卯太尉零陵壯肅公侯瑱卒

丙寅周改

八丁兵為十二丁兵率歲一月而役

八丁兵者凡境內民丁分為八番遞

上就役十二丁兵者分為十番月上就役周而復始

夏四月丙子朔日有食

之周以少傅尉遲綱為大司空

尉紆勿翻

丙午周封愍

帝子康為紀國公皇子贊為魯公贊李后之子也

贊於倫翻

六月乙酉周使御正殷不害來聘

周書申徽傳曰御正任專絲綸蓋中

書舍人之職也北史盧辯傳武成元年增置御正四人位上大夫妻考之唐六典則曰後周依周官春官府置內

史中大夫掌王言蓋比中書監令之任後又增為上大夫小史下大夫比中書侍郎之任小史上士比中書舍人之任然則為御正者亦代言之職在帝左右又親密於中書杜佑通典御正屬天官府

秋七月

周更鑄錢

更工衡翻

文曰布泉一當五與五銖並行 己酉

周追封皇伯父顥為邵國公以晉公護之子會為嗣顥弟連為杞國公以章武公導之子亮為嗣連弟洛生為

莒國公以護之子至為嗣追封太祖之子武邑公震為

宋公以世宗之子實為嗣

顥與衛可孤戰歿有子什肥導護什肥與其叔連皆為高

歡所殺無後故以會亮嗣之洛生為嗣
朱榮所殺震早卒皆無後故亦立嗣

齊主之誅楊

燕也

燕因肩翻

許以長廣王湛為太弟既而立太子百年湛

心不平帝在晉陽湛居守於鄴

楊燕謂楊愔燕子獻守手又翻

散騎常

侍高元海高祖之從孫也

高歡廟號高祖元海父思宗歡之從子散恙宣翻騎奇寄

翻從才用翻

留典機密帝以領軍代人庫狄伏連為幽州刺

史斛律光之弟羨為領軍以分湛權湛留伏連不聽羨

視事

齊主以伏連代羨為幽州以羨代伏連為領軍以分鄴下之權湛知其故乃留伏連不使之幽州而

羨至又不聽其視領軍府事

先是濟南閔悼王常在鄴

濟南王殷諡閔悼先恙薦

翻濟子禮翻

望氣者言鄴中有天子氣平秦王歸彥恐濟南

復立為已不利

齊主藉歸彥握兵以殺楊燕楊燕死而濟南廢矣故恐其復立為已不利復扶

又勸帝除之帝乃使歸彥至鄴徵濟南王如晉陽湛內

不自安問計於高元海元海曰皇太后萬福至尊孝友

異常殿下不須異慮湛曰此豈我推誠之意邪元海乞

還省一夜思之湛即留元海於後堂元海達旦不眠唯

遶牀徐步夜漏未盡湛遽出曰神算如何元海曰有三

策恐不堪用耳請殿下如梁孝王故事從數騎入晉陽

先見太后求哀

梁孝王事見十六卷漢景帝中二年

後見主上請去兵權

見賢通翻
去羌呂翻

以死為限不干朝政

朝直
逢翻

必保太山之安此

上策也不然當具表云威權太盛恐取謗衆口請青齊

二州刺史沈靖自居

沈持
林翻

必不招物議此中策也更問

下策曰發言即恐族誅固逼之元海曰濟南世嫡主上

假太后令而奪之今集文武示以徵濟南之教執斛律

豐樂

斛律羨字豐
樂樂音洛

斬高歸彥尊立濟南號令天下以順

討逆此萬世一時也湛大悅然性怯狐疑未能用使術
士鄭道謙等卜之皆曰不利舉事靜則吉有林慮令潘

子密曉占候

林慮縣漢屬河內郡晉屬汲郡魏敬宗永安元年置林慮郡帶林慮縣慮讀如閭

潛謂湛曰宮車當晏駕殿下為天下主湛拘之於內以

候之又令巫覡卜之

覡刑狄翻

多云不須舉兵自有大慶湛

乃奉詔令數百騎送濟南王至晉陽九月帝使人酖之

濟南王不從乃扼殺之帝尋亦悔之冬十月甲戌朔

日有食之丙子齊以彭城王浹為太保長樂王尉粲

為太尉

樂音洛下同

齊肅宗出畋有兔驚馬墜地絕肋妻

太后視疾問濟南所在者三齊主不對太后怒曰殺之

邪不用吾言死其宜矣遂去不顧十一月甲辰詔以嗣

子冲眇可遣尚書右僕射趙郡王叡諭旨徵長廣王湛

統茲大寶又與湛書曰百年無罪汝可以樂處置之勿

效前人也

樂音洛楚靈王乾谿之役楚人殺其諸子王閭之自投於車下曰余殺人子多矣能無及

此乎齊肅宗殺其兄之子臨終乃戒其弟勿殺已之子良可憫笑

是日殂於晉陽宮

二年

十臨終言恨不見太后山陵

顏之推論曰孝昭天性至孝而不知忌諱乃至於此

良由不學之所為也

趙郡王叡先使黃門侍郎王松年馳至鄴宣肅宗遺命

湛猶疑其詐使所親先詣殯所發而視之使者復命

使疏

吏翻下同

湛喜馳赴晉陽使河南王孝瑜先入宮改易禁衛

癸丑世祖即皇帝位於南宮

諱湛勃海王歡第九子孝昭帝之母弟南宮晉陽南

也大赦改元太寧 周人許歸安成王頊

頊吁玉翻

使司會

上士杜果來聘

周禮天官之屬有司會凡邦國都鄙官府之治及其財用在書契版圖者皆聽

其會計以歲月日考其成鄭玄曰會大計也司會主天下之大計計官之長若今尚書余按後周地官即唐戶部尚書之任司會當如唐之度支郎中而六典不言所以杜佑通典後周司會屬天官府有中大夫上士中士

上悅即遣使報之并賂以黔中地及魯山郡

周得黔中則全有巴

蜀得魯山則全有漢沔故因其所欲而餌之

齊以彭城王浟為太師錄尚

書事平秦王歸彥為太傅尉粲為太保平陽王淹為太

宰博陵王濟為太尉段韶為大司馬豐州刺史婁叡為

司空

五代志上黨郡鄉縣後魏置南垣州尋改曰豐州

趙郡王叡為尚書令任

城王潛為尚書左僕射

任音壬潛居諧翻

并州刺史斛律光為

右僕射婁叡昭之兄子也

婁昭婁太后之弟叡昭兄拔之子

立太子百

年為樂陵王丁巳周主畋於岐陽十二月壬午還長

安 太子中庶子餘姚虞荔御史中丞孔奐以國用不

足奏立煮海鹽賦及權酤之科

吳王濞煮海為鹽今淮鹽也至此則東南瀕海

煮鹽之地皆歸於甓權矣酤音固荔力計翻權古岳翻

詔從之

初高祖以帝女

豐安公主妻留異之子貞臣徵異為南徐州刺史異遷

延不就帝即位復以異為縉州刺史領東陽太守

自侯景之

亂梁南郡王大連之敗留異跨據東陽陳興以為縉州刺史因縉雲山以名州妻七細翻復扶又翻下異復同

異屢遣其長史王漸入朝漸每言朝廷虛弱

漸斯義翻

異信

之雖外示臣節恒懷兩端

恒戶登翻

與王琳自鄱陽信安嶺

潛通使往來

今有嶺路自衢州經信州達於鄱陽使疏吏翻

琳敗上遣左衛將

軍沈恪代異實以兵襲之異出軍下淮以拒恪恪與戰

而敗退還錢塘異復上表遜謝時衆軍方事湘郢乃降

詔書慰諭且羈縻之異知朝廷終將討已乃以兵戍下

淮及建德以備江路

劉昫曰建德縣漢會稽富春縣地吳分置建德縣隋廢唐復置建德

縣為睦州治所

丙午詔司空南徐州刺史侯安都討之

三年春正月乙亥齊主至鄴

自晉陽宮至鄴

辛巳祀南郊壬午

享太廟丙戌立妃胡氏為皇后子緯為皇太子

緯子貴翻

后

魏兖州刺史安定胡延之之女也戊子齊大赦己亥以

馮翊王潤為尚書左僕射周涼景公賀蘭祥卒

涼國公景

也壬寅周人鑿河渠於蒲州龍首渠於同州

二渠皆以灌溉

丁未周以安成王頊為柱國大將軍遣杜杲送之南

歸

考異曰典畧作杜杲今從周書

辛亥上祀南郊以胡公配天

胡公

始封於陳故郊祀之以配天

二月辛酉祀北郊

閏月丁未齊以太

宰平陽王淹為青州刺史太傅平秦王歸彥為太宰冀

州刺史歸彥為肅宗所厚

歸彥以殺楊燕之功為肅宗所厚

恃勢驕盈

陵海貴戚世祖即位侍中開府儀同三司高元海御史

中丞畢義雲蕃門郎高乾和數言其短

數所角翻

且云歸彥

威權震主必為禍亂帝亦尋其反覆之跡漸忌之

歸彥始為

文宣所親任其後背楊愔附孝昭以成濟南之禍又為孝昭所委信孝昭既殂又迎武成以貪天之功故武成跡其反覆而忌之

伺歸彥還家召魏收於帝前作詔草除歸彥

冀州

同相吏翻

使乾和繕寫書日仍敕門司不聽歸彥輒入

宮時歸彥縱酒為樂經宿不知至明欲參

參朝參也毛晃曰參造也

趙承也樂音洛

至門知之大驚而退及通名謝敕令早發別賜

錢帛等物甚厚又敕督將悉送至清陽宮

齊有別宮在清淇之陽因

以為名五代志清河郡清陽縣舊曰清河縣後齊省貝丘入焉改為貝丘隋開皇六年改為清陽將即亮翻

拜辭而退莫敢與語唯趙郡王叡與之久語時無聞者

帝之為長廣王也清都和士開以善握槊彈琵琶有寵

辟為開府行參軍及即位累遷給事黃門侍郎高元海

畢義雲高乾和皆疾之將言其事士開乃奏元海等交

結朋黨欲擅威福乾和由是被疎

被皮義翻

義雲納賂於士

開得為兗州刺史

為和士開怙寵亂齊張本

帝徵江州刺史周迪

出鎮湓城

周迪領江州刺史而屯據臨川徵之鎮湓城者以江州授之者

又徵其子入

朝

朝直送翻下同

迪起且顧望竝不至

起子移翻且七余翻起起不進之貌

其餘

南江酋帥私署令長多不受召

南江酋帥私署令長多不受召類翻長知兩翻

朝廷未

暇致討但羈縻之豫章太守周敷獨先入朝進號安西

將軍給鼓吹一部賜以女妓金帛令還豫章

周敷先與周迪分據

臨川既破熊曇朗數移據豫章吹尺瑞翻妓渠綺翻

迪以敷素出已下深不平之

乃陰與留異相結遣其弟方興襲敷敷與戰破之又遣

其兄子伏甲船中詐為賈人欲襲湓城

賈音古

未發事覺

尋陽太守監江州事晉陵華皎遣兵逆擊之盡獲其船

仗

監工
銜翻

上以閩州刺史陳寶應之父為光祿大夫

五代
志建

安郡陳置閩州
陳寶應父羽

子女皆受封爵命宗正編入屬籍而寶

應以留異女為妻陰與異合虞荔弟寄流寓閩中荔思

之成疾上為荔徵之寶應留不遣寄嘗從容諷以逆順

為於偽翻
從千容翻

寶應輒引它語以亂之寶應嘗使人讀漢書

卧而聽之至蒯通說韓信曰相君之背貴不可言蹶然

起坐曰可謂智士寄曰通一說殺三士何足稱智

班固
曰蒯

通一說而喪三傷應劭注云謂京鄴生豈若班彪王命

敗田橫驕韓信也說式芮翻相息亮翻

識所歸乎王命論見四十一卷

寄知寶應不可諫恐禍

及已乃著居士服

著陟畧翻

居東山寺陽稱足疾寶應使人

燒其屋寄安卧不動親近將扶之出寄曰吾命有所懸

避將安往

言託跡閩中生死之命懸於人手無所避之也

縱火者自救之乙

卯齊以任城王潛為司徒

任音壬潛戶皆翻

齊揚州刺史行

臺王琳數欲南侵尚書盧潛以為時事未可上遣移書

壽陽欲與齊和親潛以其書奏齊朝仍上啓請且息兵

數所角翻上時
掌翻朝直遙翻

齊主許之遣散騎常侍崔瞻來聘且歸

南康愍王曇朗之喪

曇朗為齊所殺見一百六十六卷梁敬帝太平元年

琳於是

與潛有隙更相表列

更工衡翻

齊主徵琳赴鄴以潛為揚州

刺史領行臺尚書瞻懷之子也

高歡起兵於信都崔懷為參佐懷力膺翻

梁末喪亂鐵錢不行

梁普通中鑄鐵錢喪息浪翻

民間私用鵝眼錢

甲子改鑄五銖錢一當鵝眼之十

考異曰隋志在天嘉五年今從陳帝紀

後梁主安於儉素不好酒色

好呼到翻

雖多猜忌而撫將

士有恩以封疆徧隘邑居殘毀干戈日用鬱鬱不得志

疽發背而殂

年十四

葬平陵謚曰宣皇帝廟號中宗太子

歸即皇帝位

歸字仁遠宣帝之第三子也歸音歸又區胃翻

改元天保尊龔太

后為太皇太后王后曰皇太后母曹貴嬪為皇太妃

嬪昆

賓翻

二月丙子安成王頊至建康詔以為中書監中衛

將軍上謂杜杲曰家弟今蒙禮遣實周朝之惠然魯山

不返亦恐未能及此

言若不賂以魯山亦恐未及達杲安成王還也朝直遙翻下同

杲

對曰安成長安一布衣耳而陳之介弟也

介大也

其價豈

止一城而已哉本朝敦睦九族恕已及物上遵太祖遺

旨下思繼好之義

好呼到翻

是以遣之南歸今乃云以尋常

之土易骨肉之親非使臣之所敢聞也

使疏吏翻

上甚慚曰

前言戲之耳待杲之禮有加焉項妃柳氏及子叔寶猶

在穰城上復遣毛喜如周請之

項吁玉翻復扶又翻

周人皆歸之

丁丑以安右將軍吳明徹為江州刺史督高州刺史

黃法氈

氈巨俱翻

豫章太守

守式又翻

周敷共討周迪

甲申大

赦留異始謂臺軍必自錢塘上既而侯安都步由諸

暨出永康

上時掌翻諸暨縣自漢以來屬會稽郡永康縣吳赤烏八年分上虞烏傷立屬東陽郡自

永安至東陽一百九里

吳大驚奔桃枝嶺於巖口豎柵以拒之

而豎

主安都為流矢所中血流至踝

中竹仲翻踝胡反翻足跟也

乘輦指

麾容止不變因其山勢迫而為堰

迫側百翻迫也堰於建翻

會潦水

漲滿安都引船入堰起樓艦與異城等發拍碎其樓堞

潦盧皓翻艦戶點翻堞連協翻

異與其子忠臣脫身奔晉安依陳寶應

安都虜其妻及餘子盡收鎧仗而還

鎧可亥翻還從宣翻又音如字

異

黨向文政據新安上以貞毅將軍程文季為新安太守

梁置貞毅將軍班第二十二在五代將軍之下陳制擬官品第五

帥精甲三百輕往攻

之文政戰敗遂降文季靈洗之子也

陳氏建國程靈洗蕭摩訶等俱為健

將帥讀曰率降戶江翻

夏四月辛丑齊武明婁太后殂齊主不

改服緋袍如故未幾

未幾言未幾時也幾居豈翻

登三臺置酒作樂

宮女進白袍帝投諸臺下散騎常侍和士開請止樂帝

怒撾之

和士開長君之惡者也自此蓋無所忌憚矣

乙巳齊遣使來聘

使疏

吏翻下同

齊青州上言河水清齊主遣使祭之改元河清

先是周之君臣受封爵者皆未給租賦

先悉薦翻

癸亥始

詔柱國等貴臣邑戶聽寄食佗縣

五月庚午周大赦

己丑齊以右僕射斛律光為尚書令 壬辰周以柱

國楊忠為大司空六月己亥以柱國蜀國公尉遲迥為

大司馬

尉紆
勿翻

秋七月己丑納太子妃王氏金紫光祿

大夫周之女也

姚思廉陳
書周作固

齊平秦王歸彥至冀州內

不自安欲待齊主如晉陽乘虛入鄴其郎中令呂思禮

告之

此王國郎
中令也

詔大司馬段韶司空婁叡討之歸彥於

南境置私驛聞大軍將至即閉城拒守長史宇文弼
等不從皆殺之歸彥自稱大丞相有衆四萬齊主以都

官尚書封子繪冀州人祖父世為本州刺史得人心子繪

父隆之祖回皆為冀州刺史

使乘傳至信都

傳張懸翻

巡城諭以禍福吏

民降者相繼城中動靜小大皆知之歸彥登城大呼云

降戶江翻

孝昭皇帝初崩六軍百萬悉在臣手投身向

呼火故翻

鄴奉迎陛下當時不反今日豈反邪正恨高元海畢義

雲高乾和誑惑聖上疾忌忠良但為殺此三人

誑居况翻為於

偽即臨城自刎

刎扶粉翻

既而城破單騎北走至交津獲之

水經注衡漳水逕武邑郡南又東逕武強縣北又東北逕武隧縣故城南白馬河注之水上承呼沱東逕樂鄉

縣北饒陽縣南又東南逕武邑郡
北而東入衡漳水謂之交津口
鎖送鄴乙未載以露

車銜木面縛

李百藥北齊書
銜木作銜枚

劉桃枝臨之以刃擊鼓隨

之并其子孫十五人皆棄市命封子繪行冀州事齊主

知歸彥前譜清河王岳

事見一百六十六卷
梁敬帝紹泰元年

以歸彥家

良賤百口賜岳家贈岳太師丁酉以段韶為太傅婁叡

為司徒平陽王淹為太宰斛律光為司空趙郡王叡為

尚書令河間王孝琬為左僕射 癸亥齊主如晉陽

上遣使聘齊 九月戊辰朔日有食之 以侍中都官

尚書到仲舉為尚書右僕射丹陽尹仲舉澁之弟子也

到澁彦之之曾孫梁初以文學顯以廉白稱

吳明徹至臨川攻周廸不能

克丁亥詔安成王顓代之

考異曰陳書帝紀云丁亥廸請降詔安成王諱督衆軍

以招納之今從南史廸傳

冬十月戊戌詔以軍旅費廣百姓空虛

凡供乘輿飲食衣服及宮中調度悉從減削

乘繩謹翻調徒鈞翻

至於百司宜亦思省約 十一月丁卯周以趙國公招

為益州總管 丁丑齊遣兼散騎常侍封孝琰來聘

十二月丙辰齊主還鄴

自晉陽還鄴

齊主逼通昭信李后

文宣

李后宮
曰昭信

曰若不從我我殺爾兒后懼從之既而有娠太

原王紹德至閤不得見

見賢
遍翻

愠曰兒豈不知邪姊腹大

故不見兒后大慚由是生女不舉帝橫刀詬曰

詬許
候翻

殺

我女我何得不殺爾兒對后以刀環築殺紹德后大哭

帝愈怒裸后亂搯之后號天不已帝命盛以絹囊

號戶
刀翻

盛時
征翻

流血淋漓投諸渠水良久乃蘇犢車載送妙勝寺

為尼

武成之淫虐文宣教
之也是以詩貴正始

資治通鑑卷一百六十八